



საქართველოს სოც.



საბჭ. რესპუბლიკის



მუშათა და გლეხთა მთავრობის

კანონთა და განკარგულებათა კრებული

1928 წ.

იუსტიციის სახალხო უმისსატიაციის კამიტეტი

1928 წ. ივლისი 26

№ 9

ნაწილი პირველი

შ ი ნ ა ა რ ს ი:

ცენტრალური აღმასრულებელი კომიტეტის დადგენილებანი.

70. დადგენილება № 33 ც. ა. კ. და ს. კ. ს.—უმაღლესი სასწავლებლების აკადემიური პერსონალისა და სამეცნიერო დაწესებულებების სამეცნიერო დარგში მოწესრიგეთა პენსიით უზრუნველყოფის შესახებ.

71. დადგენილება № 34 ც. ა. კ. და ს. კ. ს.—საქართველოს სოციალისტური საბჭოთა რესპუბლიკის წითელი ჯვრის საზოგადოების სახელწოდების შეცვლის შესახებ.

72. დადგენილება № 35 ც. ა. კ. და ს. კ. ს.—სამოქალაქო სამართლის საპროცესო კოდექსის 305 და 306 მუხლების შესწავლის შესახებ.

73. დადგენილება № 36 ც. ა. კ. და ს. კ. ს.—სიღნაღის და თელავის მაზრების გაერთიანების შესახებ.

74. დადგენილება № 37 ც. ა. კ. და ს. კ. ს.—რაჭის და ლეჩხუმის მაზრების გაერთიანების შესახებ.

75. დადგენილება № 39 ც. ა. კ. და ს. კ. ს.—სამოქალაქო სამართლის კოდექსის 71 მუხლისათვის მე-3 შენიშვნის დამატების შესახებ.

76. დადგენილება № 40 ც. ა. კ. და ს. კ. ს.—1928 წლის მაისში ხანძრისაგან დაზარალებული ქალ. ქუთაისის მოსახლეობისათვის საგადასაზადო შეღავათების მინიჭების შესახებ.

77. დადგენილება № 41 ც. ა. კ.—„თავდაცვის კვირეულის“ ჩატარების შესახებ.

78. დადგენილება № 42 ც. ა. კ. და ს. კ. ს.—საქართველოს სსრ-ში გადასახლების საქმის მიზნებისა, ორგანიზაციისა, გეგმების შედგენისა და გადასახლების ღონისძიებათა ფინანსურად მოგვარების წესის შესახებ.

სახალხო კომისართა საბჭოს დადგენილებანი.

79. დადგენილება ს. კ. ს.—სამაზრო აღმასრულებელ კომიტეტებთან (ავტონომიურ რესპუბლიკებსა და ოლქებში — ცენტრალურ აღმასრულებელ კომიტეტებთან) არსებული საგზაო სა-



მეუღლებისა და ადგილობრივი მნიშვნელობის გზათა მშენებლობის საპროექტული და ოპერატიული გეგმების შედგენისა და მსვლელობის წესის დებულების დამტკიცების შესახებ.

დებულება სამართალსა და სასაქონლო კომიტეტებთან (ავტონომიურ რესპუბლიკებსა და ოლქებში) — ცენტრალურ აღმასრულებელ კომიტეტებთან) არსებული საგზაო სამუშაოებისა და ადგილობრივი მნიშვნელობის გზათა მშენებლობის საპროექტული და ოპერატიული გეგმების შედგენისა და მსვლელობის წესის შესახებ.

80. დადგენილება ს. კ. ს. — იმ ქონების ნუსხის დამტკიცების შესახებ, რომელზედაც არ შეიძლება მიტყველ იქნეს გადასახადისა, ბაჟისა და გამოსალის ნარჩენის გადახდევინება.

ნუსხა იმ ქონებისა, რომელზედაც არ შეიძლება მიტყველ იქნეს გადასახადისა, ბაჟისა და გამოსალის ნარჩენის გადახდევინება.

81. დადგენილება ს. კ. ს. — სასამართლოს გადაწყვეტილებისა, დადგენილებისა და განჩინების ძალით გადასახდევინებელი თანხების შემოსულისათვის მეთვალყურეობის გაწევის წესის შესახებ.

82. დადგენილება ს. კ. ს. — 1928/29 ერთიანი სასოფლო-სამეურნეო გადასახადის შესახებ.

83. დადგენილება ს. კ. ს. — პასუხსაგები შრომის ამანაგობათა (არტულების) დებულების გაუქმების შესახებ.

84. დადგენილება ს. კ. ს. — მიწების მორწყვისა და შეგუების სფეროში, აგრეთვე წყლის სარგებლობის მოწყობის საქმეში საქართველოს სსრ მიწათმოქმედების სახალხო კომისარიატისა და წყალთა მეურნეობის სამმართველოს მუშაობის შეთანხმების შესახებ.

85. დადგენილება ს. კ. ს. — სახელმწიფოს მიერ სტუდენტ-სტიპენდიატების შესანახად გაწეული ხარჯის ანაზღაურების თაობაზე 1927 წლის თებერვლის 28-ის თარიღით გამოცემული დადგენილების მე-7 მუხლის შენიშვნის რედაქციის შეცვლის შესახებ.

86. დადგენილება ს. კ. ს. — 1928/29 წლის ერთიანი სასოფლო-სამეურნეო გადასახადის თაობაზე 1928 წლის მაისის 8-ს თარიღით გამოცემული დადგენილების მე-7, 11 და 16 მუხლების რედაქციის შეცვლისა და ამ დადგენილებისათვის მე-17 მუხლის დამატების შესახებ.

87. დადგენილება ს. კ. ს. — საქართველოს ყოფ. სააღმკურნალო ბანკში და ტფილისის საკრედიტო საზოგადოებაში დაგირავებული ქალაქად მდებარე სახლების ვალის გადახდევინების მოსაპოვების შესახებ.

88. დადგენილება ს. კ. ს. — ტრაქტორების რეგისტრაციისა და გასწავლების წესის შესახებ.

ქვეყნის ადგილობრივი კომისიების დადგენილება.

70. დადგენილება № 33 ც. ა. კ. და ს. კ. ს.

უმაღლესი ხასწავლებლების აკადემიური პერსონალისა და სამეცნიერო დაწესებულებების სამეცნიერო დარგში მომუშავეთა პენსიით უზრუნველყოფის შესახებ.

უმაღლესი ხასწავლებლების აკადემიური პერსონალისა და სამეცნიერო დაწესებულებების სამეცნიერო დარგში მომუშავეთა პენსიით უზრუნველყოფის მიზნით სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისარიატის საბჭო ადგენენ:

1. იმ პირთ, რომელნიც უმაღლესი ხასწავლებლის სამეცნიერო-აკადემიურ პერსონალს ეკუთვნიან, აგრეთვე სხვა სამეცნიერო დაწესებულების სამეცნიერო

დარგში მომუშავე პირთ, უკეთეს მათ უმაღლეს სასწავლებელში ან სამეცნიერო დაწესებულებაში უმსახურნიათ არა ნაკლებ, ვიდრე 25 წლისა. ან 60 წლის ასაკისათვის მიუღწევიათ და ზემოაღნიშნულ დაწესებულებებში უმსახურნიათ არა ნაკლებ, ვიდრე 10 წლისა, უფლება აქვთ მიიღონ პენსია სიკვდილამდე იმ წლიური საშუალო საშოვრის $\frac{3}{4}$ რაოდენობით, რასაც ისინი უკანასკნელი სამი წლის განმავლობაში იღებდნენ, ხოლო არა უმეტეს ნორმალური აკადემიური ჯამაგირის ორი განაკვეთისა.

შენიშვნა 1. ამა მუხლში აღნიშნულ პირთა პენსიის რაოდენობა გადიდებულ უნდა იქნეს მექანიკურად, უკეთეს გადიდებულ იქნება ნორმალური აკადემიური ჯამაგირის განაკვეთის რაოდენობა.

შენიშვნა 2. ზემოაღნიშნულ პირთ, უკეთეს მათ უმაღლეს სასწავლებლებში ან სამეცნიერო დაწესებულებებში უმსახურნიათ არა ნაკლებ, ვიდრე 15 წლისა, ხოლო დაუკარგავთ შრომის უნარი 60 წლის ასაკის მიღწევამდე, უფლება აქვთ მიიღონ პენსია სრული პენსიის ნახევრის რაოდენობით.

შენიშვნა 3. ის პირნი, რომელთაც დაუკარგავთ შრომის უნარი თავიანთი სამსახურებრივი მოვალეობის აღსრულების დროს ან ამ მოვალეობის აღსრულებასთან დაკავშირებით, მიიღებენ პენსიას მათი უკანასკნელი თანამდებობის სრული ჯამაგირის რაოდენობით, სამეცნიერო მოღვაწეობის სტატიის მიუხედავად.

2. ამა დადგენილების 1-ლი მუხლით გათვალისწინებული სამსახურის ვადაში ჩაითვლება უმაღლეს სასწავლებელში ან სამეცნიერო დაწესებულებაში საქართველოს გასაბჭოებამდე გატარებული სამსახური, იმ მომენტიდან დაწყებული, როდესაც ესა თუ ის პირი დატოვებულ იქნა უნივერსიტეტში სამეცნიერო წოდებისათვის მოსამზადებლად ან იმ დროიდან, როდესაც სამეცნიერო დარგში მომუშავე თანამშრომელი მიღებულ იქნა ასეთ თანამდებობაზე სამეცნიერო დაწესებულებაში ან უმაღლეს სასწავლებელში; ამასთანავე სამსახურის წლებში ჩაითვლება აგრეთვე მომუშავეის სახეშტატო სამსახურიც.

3. სამსახურის შეწყვეტის გამო სამსახურის გარეშე გატარებული დრო, — გარდა წითელ არმიასა და წითელ ფლოტში, სამეცნიერო წარკვინებაში და ამა თუ იმ დაწესებულებაში საარჩევნო თანამდებობაზე ყოფნის დროისა, აგრეთვე გარდა რევოლუციის წინა პერიოდში, პოლიტიკური დანაშაულისათვის, სასამართლოს განაჩენისა ან ადმინისტრატიული წესით დადებული გადასახდელის თანახმად კატორღაში, გამასწორებელ საპატიმრო განყოფილებაში, ციხეში ან გადასახლებაში გატარებული დროისა, არ ჩაითვლება სამსახურის ვადაში, რაც, ამა დადგენილების 1-ლი მუხლის თანახმად, პენსიის მიღების უფლებას იძლევა.

4. უკეთეს ამა დადგენილების 1-ლ მუხ. აღნიშნული პირი გარდაიცვალა, მისი ხვედრი პენსიის მიღების უფლება ეკუთვნით მისი ოჯახის წევრებს: მის რჩენაზე მყოფ შრომის უნარმოკლებულ მეუღლეს — ნახევარი პენსიის რაოდენობით და ყველა სხვა შრომის უნარმოკლებულ პირს — ერთი მეოთხედი პენსიის რაოდენობით, ხოლო იმ პირობით, რომ მათ მიერ მისაღები პენსიის საერთო რაოდენობა არ აღემატებოდეს პენსიის სრულ რაოდენობას.

შენიშვნა. არა-სრულწლოვანს პენსია სრულწლოვანობის მიღწევამდე ეძლევა, ხოლო დანარჩენ პირთ სიკვდილამდე ან შრომის უნარის აღდგენამდე.

5. იმ პირს, რომელმაც, ამა დადგენილების თანახმად, პენსია დამისახურა და სამსახურში იქნა დატოვებული, უფლება აქვს მიიღოს თავისი ხვედრი პენსიის ნახევარი.

6. იმ პირს, რომელსაც, ამა დადგენილების თანახმად, იმაზე ნაკლები პენსია ერგება, რაც სოციალური დაზღვევის კანონით არის გათვალისწინებული, პენსია უნდა მიეცეს სოციალური დაზღვევის საერთო კანონდებულებასთან შეფარდებით.

7. იმ პირს, რომელსაც შეთავსებით ორი ან მეტი თანამდებობა უჭირავს, პენსია უნდა მიეცეს იმ ერთი თანამდებობის ჯამაგირის მიხედვით, რომლისთვისაც უმაღლესი განაკვეთია დაწესებული.

8. პენსიების გაცემისათვის საჭირო კრედიტები შეიტანება სრულიად საქართველოს ცენტრალური აღმასრულებელი კომიტეტის სოციალური უზრუნველყოფის განყოფილების ხარჯთაღრიცხვაში საერთო წესისამებრ.

შენიშვნა. იმ თანხებს, რაც ამა დადგენილებაში აღნიშნულ პირთ ერგებათ სოციალურ დაზღვევის უზრუნველყოფისათვის სიკვდილისა ან ინვალიდობის გამო, სოციალური დაზღვევის ორგანოები შეიტანენ ხაზინის შემოსავლად სოციალური უზრუნველყოფის განყოფილების ხარჯთაღრიცხვით.

9. ამა დადგენილების თანახმად დანიშნული პენსიების გაცემის წესი დამყარდება განსაკუთრებული ინსტრუქციით, რასაც გამოსცემს სრულიად საქართველოს ცენტრალური აღმასრულებელი კომიტეტის სოციალური უზრუნველყოფის განყოფილება, განათლების სახალხო კომისარიატთან, ფინანსთა სახალხო კომისარიატთან და შრომის სახალხო კომისარიატთან ერთად.

10. დაველოს განათლების სახალხო კომისარიატს, სრულიად საქართველოს ცენტრალური აღმასრულებელი კომიტეტის სოციალური უზრუნველყოფის განყოფილებასთან და ფინანსთა სახალხო კომისარიატთან ერთად, შეიმუშაოს იმ სამეცნიერო დაწესებულებათა და თანამდებობათა ნუსხა, რომლებზედაც ეს დადგენილება ვრცელდება.

11. დადგენილება ესე შემოღებულ იქნეს სამოქმედოდ 1928 წლის სექტემბრის 1-დან.

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარე **ფ. შახარაძე.**

საქართველოს სოც. საბჭ. რესპუბლიკის სახალხო
კომისარიათა საბჭოს თავმჯდომარის მოადგილე **ბ. ჯუღელი.**

სრულიად საქართველოს საბჭოთა ცენტრალური
აღმასრულებელი კომიტეტის მდიენის მაგ. **დ. აფციაური.**

1928 წ. მაისის 17.

ტფილისი—სახალხო.

71. დადგენილება № 34 ც. ბ. ძ. და ს. ძ. ს.

საქართველოს სოციალისტური საბჭოთა რესპუბლიკის წითელი ჯვრის საზოგადოების სახელწოდების შეცვლის შესახებ.

სრულიად საქართველოს ცენტრალური აღმასრულებელი კომიტეტისა და საქართველოს სოც. საბჭ. რესპუბლიკის სახალხო კომისართა საბჭოს 1925 წლის სექტემბრის 30-ის დადგენილებისა და საქართველოს სსრ წითელი ჯვრის საზოგადოების დებულების (საქ. სსრ. კან. კრებ. 1925 წ. № 3, მუხ. 66) სათანადო ნაწილების შესაცვლელად სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. საქართველოს სსრ წითელი ჯვრის საზოგადოების სახელწოდება „საქართველოს სოც. საბჭ. რესპუბლიკის წითელი ჯვრის საზოგადოება“ შეიცვალოს ასე: „სრულიად საქართველოს წითელი ჯვრის და წითელი ნახევარ მთავარის საზოგადოება“.

2. უფლება მიეცეს სრულიად საქართველოს წითელი ჯვრის და წითელი ნახევარ მთავრის საზოგადოებას საზმარებელ ემბლემად გამოიყენოს წითელი ჯვრისა და წითელ ნახევარმთავრის ნიშანი თეთრ არეზე.

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარე **ფ. მახარაძე.**

საქართველოს სსრ სახალხო კომისართა
საბჭოს თავმჯდომარე **დ. ქართველიშვილი.**

სრულიად საქართველოს ცენტრალური აღმასრულებელი
კომიტეტის მდივანი **შ. მათიაშვილი.**

1928 წ. მაისის 9.
ტფილისი—სასაბლგ.

72. დადგენილება № 35 ც. ბ. ძ. და ს. ძ. ს.

სამოქალაქო სამართლის საპროცესო კოდექსის 305 და 306 მუხლების შეცვლების შესახებ.

სრულიად საქართველოს საბჭოთა მე-II მოწვევის ცენტრალურ აღმასრულებელი კომიტეტის მე-2 სესიის 1924 წ. მარტის 10-ს თარიღისა და 77 №-ის დადგენილების მე-2 მუხლის წესით სრულიად საქართველოს ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

სამოქალაქო სამართლის საპროცესო კოდექსის 305 და 306 მუხლებს დაემატოს შემდეგი შინაარსის შენიშვნები:

305 მუხ. შენიშვნა: უკეთეს მოვალის შეკრული ქონება იყიდება იმ ვადავდაცობილი სესხის ვადასახდევინებლად, რაც მოვალეს მიეცა სასოფლო-

სამეურნეო და სარეწაო საკრედიტო კოოპერატიული ამხანაგობის მიერ, ამ ჭონების შეკერის დღიდან გაყიდვამდე შეიძლება ვაიაროს არა უმეტეს, ვიდრე შვიდ დღეზე უდიდესმა ხანმა.

306 მუხ. შენიშვნა: უკეთუ მოვალის ჭონება იყიდება საჯარო ვაჭრობით იმ ვადაგადაცილებული სესხის გადასახდელებლად, რაც მოვალეს მიეცა სასოფლო-სამეურნეო და სარეწაო საკრედიტო კოოპერატიული ამხანაგობის მიერ, სასამართლოს აღმასრულებელი ამ ჭონების საჯარო ვაჭრობით გაყიდვას გამოაცხადებს ერთი დღის შემდეგ იმ ვადის გასვლისას, რაც მოვალეს ნებაყოფლობითი შესრულებისათვის მიეცა.

სრულიად საქართველოს ცენტრალური აღმასრულებელი კომიტეტის თავმჯდომარე **ფ. შახარაძე.**

საქართველოს სსრ სახალხო კომისართა საბჭოს თავმჯდომარე **ლ. ქართველიშვილი.**

სრულიად საქართველოს ცენტრალური აღმასრულებელი კომიტეტის მდივანი **შ. მათიკაშვილი.**

1928 წ. აპრილის 25.

ტფილისი—სახალხო.

გამოქვეყნებულია გაზ. „კომუნისტის“ 146 №-ში 1928 წ. ივნისის 26-ს.

73. დადგენილება № 36 ც. ა. ქ. და ს. ქ. ს.

სიღნაღისა და თელავის მაზრების გაერთიანების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

1. სიღნაღისა და თელავის მაზრები გაერთიანებულ იქნენ მომავალი სამეურნეო წლიდან ერთ ადმინისტრატიულ-სამეურნეო ერთეულად ცენტრით სოფ. გურჯაანში.

2. იმ საკითხების მოსამზადებლად და განსახორციელებლად, რაც აღნიშნულ მაზრების გაერთიანებასთან არის დაკავშირებული, დაარსებულ იქნეს საორგანიზაციო კომიტეტი შემდეგი შედგენილობით აშ. აშ. შალვა მათიკაშვილი (თავმჯდომარე), მოსე ვარამაშვილი (თავმჯდომარის მოადგილე), ივანე ბაბალაშვილი, არტაშეს გვეორქოვი და ალექსი მაისურაძე.

3. საორგანიზაციო კომიტეტს დაევალება: ა) შეიმუშაოს გაერთიანებული მაზრების ადმინისტრატიული დაყოფის პროექტი, ბ) შეადგინოს პროექტი გაერთიანებული ადგილობრივი ბიუჯეტისა; გ) შეადგინოს სამაზრო დაწესებულებათათვის საჭირო სადგომების გურჯაანში აშენების გეგმა და ხარჯთ-აღრიცხვა და გამოსძენოს ამისათვის საჭირო სახსარი, დ) მოამზადოს და მოიწვიოს საბჭოთა ყრილობა.



4. დაქირებულ მოვალეობათა განხორციელებისათვის საორგანიზაციო კომიტეტს უფლება აქვს: ა) მოსთხოვოს ყველა დაწესებულებასა და საწარმოს, რომელიც კი გაერთიანებულ, მაზრების ტერიტორიაზე მოქმედებს, ყოველგვარი საჭირო ცნობები და მასალები; ბ) მოიწვიოს გაერთიანებული მაზრების ტერიტორიაზე მოქმედ დაწესებულებათა და საწარმოთა პასუხისმგებელი წარმომადგენლები იმ საკითხების ერთად განსახილველად და შესათანხმებლად, რაც საორგანიზაციო კომიტეტის გამგებლობას ეკუთვნის; გ) შეიტანოს საქ. სოც. საბჭ. რესპუბლიკის საკანონმდებლო ორგანოებში განსახილველად სხვადასხვა საკითხები, რაც აღნიშნული მაზრების გაერთიანებას შეეხება; დ) იჭონიოს უშუალო ურთიერთი მიმართვა ყველა ცენტრალურ დაწესებულებასთან იმავე საკითხების გამო; ე) მოიწვიოს თათბირები საორგანიზაციო კომიტეტის ქვეშევრდებარე საკითხების შესახებ და ვ) მოიწვიოს ხოლმე საორგანიზაციო კომიტეტის სხდომებზე სათათბირო ხმის უფლებით ცენტრალურ დაწესებულებათა წარმომადგენლები იმ საკითხების გამო, რაც მათთან შეთანხმებულ უნდა იქნეს, აგრეთვე სხვა პირებიც კომიტეტის შეხედულებისამებრ.

5. საორგანიზაციო კომიტეტი მისი მოქმედების სფეროში დაექვემდებარება საქართველოს სახალხო კომისართა საბჭოს და სრულიად საქართველოს ცენტრალური აღმასრულებელი კომიტეტის პრეზიდიუმს.

სრულიად საქართველოს ცენტრალური აღმასრულებელი კომიტეტის თავმჯდომარე **ფ. მაზარაძე.**

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე **ლ. ქართველიშვილი.**

სრულიად საქართველოს ცენტრალური აღმასრულებელი კომიტეტის მდივნის მაგ. **დ. აფციაური.**

1928 წ. მაისის 30.

ტფილისი — სასახლე.

გამოქვეყნებულია გაზ. „კომუნისტის“ 126 №-ში 1928 წ. ივნისის 2.

74. დადგენილება № 37 ც. ა. კ. და ს. კ. ს.

რაქისა და ლეჩხუმის მაზრების გაერთიანების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

1. რაქისა და ლეჩხუმის მაზრები გაერთიანებულ იქნენ მომავალი სამეურნეო წლიდან ერთ ადმინისტრატიულ-სამეურნეო ერთეულად ცენტრით სოფ. ჭრებალოში.



2. იმ საკითხების მოსამზადებლად და განსახორციელებლად, რაც აღნიშნულ მაზრების გაერთიანებასთან არის დაკავშირებული, დაარსებულ იქნეს საორგანიზაციო კომიტეტი შემდეგი შემადგენლობით: აშხ. ამხ. სიმონ ჯღული (თავმჯდომარე), პარმენ წულუკიძე (თავმჯდომარის მოადგილე), გრიგოლ ჭელიძე, ანდრო-სიამაშვილი და ივანე გულბანი.

3. საორგანიზაციო კომიტეტს დაევალება: ა) შეიმუშაოს გაერთიანებული მაზრების ადმინისტრაციული დაყოფის პროექტი; ბ) შეადგინოს პროექტი გაერთიანებული ადგილობრივი ბიუჯეტისა; გ) შეადგინოს სამაზრო დაწესებულებათათვის საჭირო სადგომების კრებალოში აშენების გეგმა და ხარჯთაღრიცხვა და გამოსძებნოს ამისათვის საჭირო სახსარი; დ) მოამზადოს და მოიწვიოს საბჭოთა ყრილობა.

4. დაკისრებულ მოვალეობათა განხორციელებისათვის საორგანიზაციო კომიტეტს უფლება აქვს: ა) მოსთხოვოს ყველა დაწესებულებასა და საწარმოს, რომელიც კი გაერთიანებული მაზრების ცერითორიაზე მოქმედებს, ყოველგვარი საჭირო ცნობები და მასალები; ბ) მოიწვიოს გაერთიანებული მაზრების ტერიტორიაზე მოქმედ დაწესებულებათა და საწარმოთა პასუხისმგებელი წარმომადგენლები იმ საკითხების ერთად განსახილველად და შესთანხმებლად, რაც საორგანიზაციო კომიტეტის ვამკებლობას ეკუთვნის; გ) შეიტანოს, საქართველოს ს.ს.რ. საკანონმდებლო ორგანოებში განსახილველად სხვადასხვა საკითხები, რაც აღნიშნულ მაზრების გაერთიანებას შეეხება; დ) იქონიოს უშუალო ურთი-ერთი მიმართვა ყველა ცენტრალურ დაწესებულებასთან იმვე საკითხების გამო; ე) მოიწვიოს თათბირები საორგანიზაციო კომიტეტის ქვემდებარე საკითხების შესახებ; დე ვ) მოიწვიოს ხოლმე საორგანიზაციო კომიტეტის სხდომებზე სათათბირო ხმის უფლებით ცენტრალურ დაწესებულებათა წარმომადგენლები იმ საკითხების გამო, რაც მათთან შეთანხმებულ უნდა იქნეს, აგრეთვე სხვა პირებიც კომიტეტის შეხედულებისამებრ.

5. საორგანიზაციო კომიტეტი მისი მოქმედების სფეროში დაექვემდებარება საქართველოს ს. ს. რ. სახალხო კომისართა საბჭოს და სრულიად საქართველოს ცენტრალური აღმასრულებელი კომიტეტის პრეზიდიუმს.

სრულიად საქართველოს ცენტრალური აღმასრულებელი კომიტეტის თავმჯდომარე **ფ. მახარაძე.**

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე **ლ. ქართველიშვილი.**

სრულიად საქართველოს საბჭოთა ცენტრალური აღმასრულებელი კომიტეტის მდივნის მაგ. **დ. აფციაური.**

1928 წ. მაისის 30.
ტიფლისი—სასახლე.

გამოქვეყნებულია გაზ. „კომუნისტის“-ს 126 №-ში 1928 წ. ივნისის 2-ს.

75. დადგენილება № 39 ც. ა. ქ. და ს. ქ. ს.

სამოქალაქო სამართლის კოდექსის 71 მუხლისათვის მე-3 შენიშვნის დამატების შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-რის დადგენილების მე-2 მუხლის წესისამებრ, სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სამოქალაქო სამართლის კოდექსის 71 მუხლს დაემატოს მე-3 შენიშვნა შემდეგი შინაარსისა:

71 მუხ. შენიშვნა 3. უკეთუ მიწის ნაკვეთი ვაიცემა საინაგოდ მუშათა ბინების ასაშენებლად, აღნაგობის უფლების ხელშეკრულება დაიდება ამა მუხლში აღნიშნული უკიდურესი ვადით.

ხოლო, უკეთუ არსებული შენობა აღნაგობის უფლების ხელშეკრულების საფუძველზე ვაიცემა აღსადგენად, დასამთავრებლად, დასაშენებლად და მისაშენებლად ან და გადასაკეთებლად (მუხ. 84) მუშათა ბინებისათვის, აღნაგობის უფლების ხელშეკრულება დაიდება ისეთი ვადით, რაც ამა მუხლში აღნიშნული უკიდურესი ვადის ორმესამედს უდრის (43 წლით, 40 წლით და 33 წლით).

სრულიად საქართველოს ცენტრალური აღმასრულებელი კომიტეტის თავმჯდომარე **ე. მახარაძე.**

საქართველოს სსრ რესპუბლიკის სახალხო კომისართა საბჭოს თავმჯდომარე **ლ. ქართველიშვილი.**

სრულიად საქართველოს ცენტრალური აღმასრულებელი კომიტეტის მდიენის მაგ. **ი. ვარძიელი.**

1928 წ. მაისის 30.
ტფილისი—სახალგ.

76. დადგენილება № 40 ც. ა. ქ. და ს. ქ. ს.

1928 წლის მაისში ხანძრისაგან დაზარალებული ქალ. ქუთაისის მოსახლეობისათვის საგადასახადო შეღავათების მინიჭების შესახებ.

1928 წლის მაისში ანძრისაგან დაზარალებული ქალ. ქუთაისის მოსახლეობის ჯგუფებისათვის საგადასახადო შეღავათების მინიჭებისათვის სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. ის პირნი, რომელნიც 1928 წლის მაისში დაზარალებულნი ქუთაისში მომხდარი ხანძრისაგან, განთავისუფლებულ იქნენ 1927/28 წლის რენტისაგან და შემდეგი ადგილობრივი გადასახადისაგან:

- ა) შენობაზე;
 - ბ) ოთხფეხა საქონელზე;
 - გ) სატრანსპორტო საშუალებებზე;
 - დ) ბალსა და ბოსტანზე.
 - ე) ბინაზე.
2. მოეხსნას მათ ყველა ადგილობრივი გადასახადის ნარჩენი, რაც მათზე ირიცხება მთელი ხნის განმავლობაში, ვიდრე 1926/27 წლამდე ამ წლითურთ.
3. მოეხსნას მათ ის ჯარიმები, რაც მათზე ირიცხება 1928 წლის მაისის 1-თვის და რაც დადებულია ადმინისტრატიული წესით სახელმწიფო სასარეწაო და საშემოსავლო გადასახადების დებულებათა დარღვევისათვის.
4. ის თანხები, რაც უკვე შეტანილია ამა დადგენილების 1—3 მუხლებში აღნიშნული გადასახადების გასატუმრებლად, არ დაიბრუნება და არც გაიბრტბა.

სრულიად საქართველოს ცენტრალური აღმასრუ-
ლებელი კომიტეტის თავმჯდომარე ფ. შაბარაძე.

საქართველოს სსრ სახალხო კომისართა
საბჭოს თავმჯდომარე ლ. ქართველიშვილი.

სრულიად საქართველოს ცენტრალური აღმასრულებ-
ბელი კომიტეტის მდივნის მაგ. ი. ვარძიელი.

1928 წ. ივნისის 20.
ტფილისი—სასახლე.

გამოქვეყნებულია გაზ. „კომუნისტი“-ს 147 №-ში 1928 წ. ივნისის 27.

77. დადგენილება № 41 თ. ა. ქ.

„თავდაცვის კვირულის“ ჩატარების შესახებ.

რათა გაძლიერებულ იქნეს საქართველოს თავდაცვა-აგიაქიმის საზოგადოე-
ბის სახსარი მოსახლეობის სამხედრო მომზადების საქმეში საქირო პრაქტიკული
მუშაობის განსახორციელებლად—სრულიად საქართველოს ცენტრალური აღმას-
რულებელი კომიტეტი ადგენს—„თავდაცვის კვირულის“ განმავლობაში
ა. წ. ივლისის 15-დან 22-მდე საქართველოს ს. ს. რ. მთელ ტერიტორიაზე
განხორციელებულ იქნეს შემდეგი ღონისძიებანი:

- 1. მოეწყოს ყულაბებით ფულის მოგროვება ივლისის 20-ს, 21-ს და 22-ს.
- 2. დაიბეგროს ივლისის 15-დან 22-მდე:

ა) სანახაობასა და გასართობში (თეატრი, კინო, ცირკი, საღამო, ვაბარე,
ლოლი) შესასვლელი ყველა ბილეთი მისი ღირებულების 10⁰/₆-ის რაოდენობით
და აგრეთვე სათამაშოთა (ლოტო, პტი-შეო და სხვ.) დღიური საერთო შემოსა-
ვალი 10⁰/₆-ის რაოდენობით;

ბ) ყველა რესტორანისა და სასადილოს საშუალო დღიური ბრუნვა 10⁰/₆-ის
რაოდენობით.

3. ამა დადგენილების პრაქტიკული განხორციელება დაეკისროს საქართველოს სსრ ფინანსთა სახალხო კომისარიატს თავდაცვა-აევიოკიშის საზოგადოების პრეზიდენტთან შეთანხმებით.

სრულად საქართველოს ცენტრალური აღმასრულებელი კომიტეტის თავმჯდომარე ფ. მახარაძე.

სრულიად საქართველოს ცენტრალური აღმასრულებელი კომიტეტის მდივნის მაგ. ი. ვარძიელი.

1928 წ. ივნისის 20.
 ტფილისი—სახალხო.

78. დადგენილება № 42 ც. ა. ქ. და ს. ა. ს.

საქართველოს სსრ-ში გადასახლების საქმის მიზნებისა, ორგანიზაციისა, გეგმების შედგენისა და გადასახლების ღონისძიებათა ფინანსიურად მოვდარების წესის შესახებ.

სსრკ ცენტრალური აღმასრულებელი კომიტეტისა და სახალხო კომისარიათა საბჭოს 1928 წლის იანვრის 18-ს დადგენილების (სსრკ კან. კრ. 1928 წ. მე-8 №-რი, მუხ. 63) თანახმად, სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისარიათა საბჭო იმ მიზნით, რათა გადასახლების საქმე საქართველოს სსრ-ში სათანადოდ იქნეს დაყენებული და ამ საქმისათვის მისაღები ღონისძიებანი დაკავშირებულ იქნეს გადასახლების საქმის საერთო საკავშირო გეგმასთან და სსრკ და ა/კ. სფსრ მთავრობათა მიერ გადასახლების საკითხის თაობაზე გამოცემულ დადგენილებებთან, ადგენენ:

I. გადასახლების საქმისათვის რესპუბლიკანური გეგმის შედგენისა და განხორციელების დროს მხედველობაში მიღებულ უნდა იქნეს შემდეგი საკითრება:

1) საქართველოს სსრ-ში ზედმეტ მოსახლეობიანი რაიონების განტვირთვა ამ რაიონებში დარჩენილი მოსახლეობის მეურნეობის გასაუმჯობესებლად;

2) სამელიორაციო სამუშაოებისა და მიწათმოწყობის განხორციელებით, აგრეთვე დაბლობ ადგილებში ტყეების გაწმენდით მიღებულ მიწის ფონდზე ღონიერი მეურნეობის დამკვიდრება;

3) საქართველოს სსრ ფარგლებს გარეშე კარბი მოსახლეობის გადასახლების საკითხის მოწესრიგება და საამისო ღონისძიებათა დაკავშირება გადასახლების საერთო-საკავშირო გეგმასთან.

II. ამა დადგენილების 1-ლ მუხლთან შეთანხმებით წინადადება მიეცეს მიწათმოქმედების სახალხო კომისარიატს:

1) გადასახლების საქმის ღონისძიებათა მთავარ მიზნად დასახოს საქართველოს სსრ-ში ზედმეტ-მოსახლეობიანი რაიონების განტვირთვა იმ კარბი მოსახლეობისაგან, რომელიც სოფლის მეურნეობას ეწევა;

2) გაითვალისწინოს საქართველოს სსრ ზემოაღნიშნული რაიონების ჰარბი მოსახლეობის მიწათ-მეურნეობის მოწყობა: ა) იმ ახალ მიწებზე, რაც მელიორაციით მიღებულ იქნება: ალანის ხეობაში, ელდარისა და შირაქის ველზე, სამგორის მიწდერებზე, ყარაიას და სოლანლულის რაიონებში, დასავლეთ საქართველოს ქაობებში, აფხაზეთის სსრ-ში და აჭარისტანის ავტონომიურ სსრ-ში; ამასთანავე ანგარიშში უნდა მიიღოს მეცხვარეობის საქმის დაცვისა და განვითარების ინტერესები, და დაამყაროს ისეთი წესი დასახლებისა და გადასახლებელი კონტინგენტის შერჩევისა, რაც უზრუნველყოფს საქართველოს სსრ-ში ზამთრობითი ცხვრის ყვების ბაზის შენარჩუნებას და გაფართოებას; ბ) იმ თავისუფალ მიწებზე, რაც მიღებულ იქნება ტყეების ვაჭმენდით კიაურის რაიონში, აფხაზეთის სსრ-ში და აჭარისტანის ავტონომიურ სსრ-ში; გ) იმ ზედმეტ მიწებზე, რაც აღმოჩნდება მიწათმოწყობის წესით;

3) გაითვალისწინოს შესაძლებლობა გადასახლებელი ელემენტის განსახლებურული ნაწილის საქართველოს გარედ წარმართვისა; თანაც სასურველად იქნეს მიჩნეული, რომ მათ მიწები ჩრდილო-კავკასიის რაიონში მიეცეს, კერძოდ შავი-ზღვის ოლქში;

4) შეუთანხმოს გადასახლების გეგმა იმ ღონისძიებათ, რაც მიღებულ უნდა იქნეს გადასახლებულთა გამოსვლის რაიონებში მიწათმოწყობისა, განსახლებისა და მელიორაციის სახით მოსახლეობის აგრარული სიჭარბის შემკირებისათვის, რისთვისაც, სათანადო სამეურნეო ბრუნვაში მოქცეულ უნდა იქნეს ნაკლებად ვარგისი და უვარგისი მიწები, აცილებულ უნდა იქნეს არსებული მიწათსარგებლობის ის ნაკულოვანებანი, რაც აბრკოლებს ამ მიწების წესიერად გამოყენებას და მიწისა და შრომის ნაყოფიერების ზრდას.

III. წინადადება მიეცეს მიწათმოქმედებისა და შინაგან საქმეთა სახალხო კომისარიატებს მიიღონ მტკიცე ღონისძიებანი—გადასახლების მეშვეობით მიწების თივთებისად ზელში ჩავდების წინააღმდეგ.

IV. საქართველოში არსებული მოსახლეობის აგრარული სიჭარბის სასწრაფო წესით შემკირებისათვის საჭიროდ იქნეს ცნობილი მიწათ-მოწყობისა, განსახლებისა და მელიორაციის სახის ღონისძიებათა გაძლიერება.

V. რადგანაც ამ საქმეში სამელიორაციო ხასიათის ღონისძიებას დიდი მნიშვნელობა აქვს, დაევალოს საქართველოს მიწათ-მოქმედების სახალხო კომისარიატსა და წყალთა მეურნეობის სამმართველოს აღძრან სსრკ ცენტრალურ აღმასრულებელ კომიტეტთან არსებული გადასახლების კომიტეტის წინაშე შუამდგომლობა, რათა საკირო კრედიტებით უზრუნველყოფილ იქნეს სათანადო რესპუბლიკანური გეგმით განზრახული მორწყვა-და-შრომის საშუალებები.

VI. რათა გადასახლებისათვის მისაღები ღონისძიებანი მიღწეულ იქნეს უფრო მეტის მიზანშეწონილობით, საჭიროა უზრუნველყოფილ იქნეს სრული კავშირი სამელიორაციო ღონისძიებათა და მიწათ-მოქმედების სახალხო კომისარიატის გეგმებსა და მუშაობის შორის.

VII. საქართველოს სსრ ფარგლებს გარედ გადასახლების გეგმა და ამ გადასახლების დროს საქართველოს სსრ-ში გადასელა-გადმოსვლის წესი შეთან-

ხმებულ უნდა იქნეს სსრკ ცენტრალური აღმასრულებელი კომიტეტის გადასახლების კომიტეტთან.

VIII. მიენდოს მიწათმოქმედების სახალხო კომისარიატს მოაწყოს მუშაობა გადასახლებელი ელემენტის შერჩევისათვის იმ მიწის ფონდებზე დასახლებლად, რაც მოსახლეობას საქართველოს სსრ ფარგლებს გარედ მიეცემა, რისთვისაც საფუძვლად უნდა მიიღოს ფაქტობრივი განცხადებანი გადასახლების შესახებ და შეამოწმოს ეს განცხადებანი ეკონომიური მიზანშეწონილობის მიხედვით.

IX. აღიარებულ იქნეს, რომ მელიორაციით, ტყეების გაწმენდით და მიწათმოწყობის წესით მიღებულ მიწის ფონდებზე გადასახლებისათვის საჭირო ღონისძიებანი ფინანსიურად მოკავიარებულ უნდა იქნენ რესპუბლიკანური სახსარით.

X. საჭიროდ იქნეს ცნობილი, რომ ყველა ის ხარჯი, რაც დაკავშირებულ იქნება გადასახლებელი მოსახლეობის იმ კონტინგენტის შერჩევისათვის, რომელიც დასახლებულ უნდა იქნეს საქართველოს სსრ ფარგლებს-გარედ მიჩენილ მიწებზე, უნდა მიეკუთვნოს წინა მუხლში აღნიშნულ სახსარს.

XI. აღძრულ იქნეს სათადო წესისამებრ შეამდგომლობა სსრკ ცენტრალური აღმასრულებელი კომიტეტის პრეზიდიუმის წინაშე, რომ ის გადასახლების ფონდები, რაც სრულიად რუსეთის ცენტრალური აღმასრულებელი კომიტეტის 1927 წ. ივნისის 20-ს დადგენილების თანახმად, საქართველოს სსრ-დან გადასახლებულთ უნდა მიეცეს, საერთოდ, ჩრდილო-კავკასიაში და, კერძოდ, შავი-ზღვის ოლქში, აღიარებულ იქნეს საერთო-საკავშირო მნიშვნელობის მქონე ფონდებად და ყველა ის ხარჯი, რაც დაკავშირებულ იქნება ამ მიწებზე გადასახლებასთან, მიეკუთვნოს საერთო-საკავშირო ბიუჯეტს სსრ ცენტრალურ აღმასრულებელ კომიტეტთან არსებული გადასახლების კომიტეტის ხარჯთ-აღრიცხვით; ამ ხარჯებს შორის აგრეთვე შემდეგი ხარჯებიც:

1) მიწათ-მოქმედების სახალხო კომისარიატის გადასახლების განყოფილების დამატებითი შტატის შესანახი ხარჯი;

2) გადასახლებელი ელემენტების გადასვლა-გადმოსვლის ხარჯი;

3) გადასახლებულთა გზაში მომსახურების ხარჯი;

4) სავადასახლებო მიწის ნაკვეთების მომზადების ხარჯი;

5) სავადასახლებო მიწის ნაკვეთების მელიორაციისა და წყლის მიწოდების ხარჯი;

6) გზების გასაყვანი ხარჯი;

7) გადასახლებულთა სამკურნალო-სასანიტარო, აგრინომიული და კულტურული მომსახურების ხარჯი;

8) გადასახლებულთა მეურნეობის მოწყობისა და საერთო-სასარგებლო საჭიროებისათვის სესხად მისაცემი ხარჯი.

XII. საჭიროდ იქნეს ცნობილი—სასაფლო-სამეურნეო კრედიტის ბაზით მოეწყოს გადასახლებულთა გამოსვლის ადგილებში ღარიბ და შუათანა მეურნეობათათვის სესხის მიცემის საქმე გადასახლებულთა მიერ გასაყიდი ქონების შესაძენად.

XIII. მიეცეს გადასახლებულთ უფლება გასცენ იჯარით მიწები გამოსვლის ადგილას ვადით სამ წლამდე—ის ნაკვეთები, რომლებზედაც მრავალწლიანი კულ-

ტურაა და ვადით ერთ წლამდე—ყველა სხვა ნაკვეთი. იმ პირთ, ვინც გაუწმენდავ ტყის ნაკვეთებზე ან, საერთოდ, გამოსაყენებლად მოუწადებელ მიწებზე გადასახლება, უფლება მიეცეს გასცეს იჯარით ყველა მიწები გამოსვლის ადგილას ვადით სამ წლამდე. მიენდოს მიწათ-მოქმედების სახალხო კომისარიატს შეიმუშაოს და დასამტკიცებლად საკანონმდებლო ორგანოებს წარუდგინოს პროექტი დადგენილებისა—საქართველოს სსრ მიწის კოდექსის 170 მუხლისათვის სათანადო შინაარსის შენიშვნის დამატების შესახებ.

XIV. წინადადება მიეცეს საქართველოს სსრ ადგილობრივი ტრანსპორტის სამმართველოს—იმ რაიონების გზატკეცილებისა და შარავზების მშენებლობის გეგმები, რაც დასახლებულ უნდა იქნეს, შეუთანხმოს მიწათ-მოქმედების სახალხო კომისარიატს.

XV. მიენდოს მიწათ-მოქმედების სახალხო კომისარიატს, აგრეთვე მასთან შეთანხმებით, ჯამრთელობისა და განათლების სახალხო კომისარიატებსა და სასოფლო-სამეურნეო და სამომხმარებლო კოოპერაციის რესპუბლიკანურ ცენტრებს—შეიმუშაონ იმ ღონისძიებათა გეგმები, რაც უზრუნველყოფს გადასახლებულთა აგრარონომიულ, ვეტერინარულ და სამკურნალო-სასანიტარო დახმარებას, მათთვის სასოფლო-სამეურნეო ინვენტარის მიწოდებას, კულტურულ-განმანათლებელი მომსახურების გაწევას და სხვა, გადასახლებასთან დაკავშირებული ღონისძიების განხორციელებას.

ზემო აღნიშნულ ღონისძიებათა განხორციელებისათვის საჭირო სახსარი ვათვალისწინებულ უნდა იქნეს სათანადო საუწყებო ხარჯთაღრიცხვებითა და საწარმოო-საფინანსო გეგმებით.

XVI. მიენდოს მიწათ-მოქმედების სახალხო კომისარიატს—შეადგინოს სამი თვის განმავლობაში, ზემოაღნიშნულ საფუძველზე დამყარებით, გადასახლების გეგმა 10—15 წლისათვის და, სათანადო ორგანოების მეშვეობით, წარადგინოს აღსამტკიცებლად.

სრულიად საქართველოს ცენტრალური აღმასრუ-
ლებელი კომიტეტის თავმჯდომარე ფ. მახარაძე.

საქართველოს სსრ სახალხო კომისარიატის საბჭოს
თავმჯდომარე ლ. ქართველიშვილი.

სრულიად საქართველოს ცენტრალური აღმასრუ-
ლებელი კომიტეტის მდივნის მაგ. ი. ვარძიელი.

სახალხო კომისართა საგჟოს დადგენილებანი.

79. დადგენილებანი ს. კ. ს.

სამაზრო აღმასრულებელ კომიტეტებთან (ავტონომიურ რესპუბლიკებსა და ოლქებში—ცენტრალურ აღმასრულებელ კომიტეტებთან) არსებული საგზაო სამეურლებისა და ადგილობრივი მნიშვნელობის გზათა მშენებლობის საპერსპექტივო და ოპერატიული გეგმების შედგენისა და მსვლელობის წესის დებულების დამტკიცების შესახებ.

საქართველოს სსრ სახალხო კომისართა საბჭო ადგენს:

დამტკიცებულ იქნეს ამასთანავე დართული დებულება „სამაზრო აღმასრულებელ კომიტეტებთან (ავტონომიურ რესპუბლიკებსა და ოლქებში—ცენტრალურ აღმასრულებელ კომიტეტებთან) არსებული საგზაო სამეურლებისა და ადგილობრივი მნიშვნელობის გზათა მშენებლობის საპერსპექტივო და ოპერატიული გეგმების შედგენისა და მსვლელობის წესის შესახებ.

საქართველოს სსრ სახალხო კომისართა საბჭოს

თავმჯდომარის მოადგილე **ხ. ჯუღელი.**

საქართველოს სსრ სახალხო კომისართა საბჭოს

საქმეთა მმართველის მოადგილე **ხ. ხტეფანოვი.**

1928 წ. აპრილის 20.

ტფილისი—სახალგ.

დ ე ბ უ ლ ე ბ ა

სამაზრო აღმასრულებელ კომიტეტებთან (ავტონომიურ რესპუბლიკებსა და ოლქებში—ცენტრალურ აღმასრულებელ კომიტეტებთან) არსებული საგზაო სამეურლებისა და ადგილობრივი მნიშვნელობის გზათა მშენებლობის საპერსპექტივო და ოპერატიული გეგმების შედგენისა და მსვლელობის წესის შესახებ.

საქართველოს სსრ სახალხო კომისართა საბჭოს 1927 წ. ნოემბრის 17-ს დადგენილების თანახმად თვითოეულ სამაზრო აღმასრულებელ კომიტეტთან, ხოლო ავტონომიურ რესპუბლიკებში—ცენტრალურ აღმასრულებელ კომიტეტთან, მოეწყობა საგზაო სამეული, რომლის შედგენილობაში შევლენ: თავმჯდომარედ, სათანადო სამაზრო აღმასრულებელი კომიტეტის (ავტონომიურ რესპუბლიკებში—ცენ. აღმ. კ-ტის ან სახალხო კომისართა საბჭოს თავმჯდომარის დანიშვნით) თავმჯდომარე და წევრებად: სამაზრო აღმ. კ-ტის (ავტონომიურ რესპუბლიკებში—ცენ. აღმ. კ-ტის) კომუნალური ამ ტენიკური განყოფილების გამგე და ადგილობრივი ტრანსპორტის სამმართველოს უბნის უფროსი.

2. საგზაო სამეული, თანახმად მის განკარგულებაში ქონებულ ადგილობრივი მნიშვნელობის სამაზრო და სათემო გზების სრული დამტკიცებელი სისის, რომლითაც ეს გზები დანაწილებულ უნდა იქნეს რიგებზე მნიშვნელოვანებისა და აწინდელი მდგომარეობის მიხედვით, შეადგენს, ხუთის წლისათვის ნავარუდდევ ფულად ასიგნაჟსა და ნატურალური ბეგარით გამოსაყენებელი მუშახელისა და ჭაპანხიდვის ტრანსპორტის ფარგალში, ხუთწლეულ საპერსპექტივო გეგმას; თანაც იხელმძღვანელებს დამტკიცებულ ტენიკურ ნორმებს და მუშაობის წარმოების პერიოდში უწყებულ ადგილას მუშახელზე და მასალაზე არსებულ ფასებს.

ამ გეგმებს სამაზრო აღმასრულებელი კომიტეტები (ავტონომიურ რესპუბლიკებში—ცენ. აღმ. კომიტეტები) წარადგენენ შესათანხმებლად და შესაჯულმად საქართველოს ადგილობრივი ტრანსპორტის სამმართველოში, ხოლო ეს უკანასკნელი თავისი დასკვნით წარადგენს გეგმებს საქართველოს სსრ სახალხო კომისართა საბჭოში—დასამტკიცებლად.

3. დამტკიცებული ხუთწლეული გეგმის თანახმად და წინამდებარე საბიუჯეტო წლისათვის განზრახული ფულადი ასიგნებებისა და საგზაო შრომის ბეგარით გამოსაყენებელი მუშახელისა და ჭაპანხიდვის ტრანსპორტის ფარგალში საგზაო სამეული შეადგენს ყოველწლიურად სამუშაოთა ოპერატიულ გეგმას და ამ სამუშაოების იარაღითა და მანქანებით მომარაგების გეგმას, რასაც სათანადო სამაზრო აღმასრულებელი კომიტეტი (ავტონომიურ რესპუბლიკაში—ცენ. აღმ. კ-ტი) წარადგენს, არა უფიანეს ორი თვისა ახალი საბიუჯეტო წლის დამწყებამდე, საქართველოს ადგილობრივი ტრანსპორტის სამმართველოში შესათანხმებლად და შესაჯულმად, ხოლო ეს უკანასკნელი თავისი დასკვნით წარადგენს ამ გეგმებს საქართველოს სსრ სახალხო კომისართა საბჭოში—დასამტკიცებლად.

შენიშვნა. სამუშაოთა ოპერატიულ გეგმაში აღინიშნება თვითოეული სამუშაოსათვის მუშაობის დაწყებისა და დამთავრების ვადა.

4. საგზაო სამეული შეასრულებს შემდეგ ფუნქციებს:

ა) თვალყურს ადევნებს დამტკიცებული სამუშაოთა ოპერატიული გეგმის ზედმიწევნით შესრულებას და ამ სამუშაოთათვის საგზაო შრომის ბეგარით განსახდერული მუშახელისა და ჭაპანხიდვის ტრანსპორტის თავის დროზე გამოყენებას;

ბ) თვალყურს ადევნებს, რათა ადგილობრივი გზების მშენებლობისათვის გადადებული თანხები არ იხარჯებოდეს არაპირდაპირი დანიშნულებისამებრ;

გ) წარადგენს, აღმასრულებელი კომიტეტების მეშვეობით, საქართველოს ადგილობრივი ტრანსპორტის სამმართველოში წარმოებული მუშაობისა და ფულიისა, მუშახელისა და სატრანსპორტო საშუალებისა ბარჯვის საკვარტალო ნუსხებს;

დ) გადასწყვეტს ყველა საკითხს, რაც მუშაობის პროცესში აღიძვრის.

შენიშვნა. უკეთეს საგზაო სამეულში თავს იჩენს შეუთანხმებლობა ერთის მხრით აღმასრულებელი კომიტეტისა (ავტონომიურ რესპუბლიკაში—ცენ. აღმ. კ-ტის) წარმომადგენელისა და მეორეს მხრით საქართველოს ადგილობრივი ტრანსპორტის სამმართველოს უზენის უფროსს შორის სპეციალური ტენიკური საკითხის გამო, ეს საკითხი გადასაწყვეტად საქართველოს ადგილობრივი ტრანსპორტის სამმართველოს წარედგინება.



5. ყველა ზემოაღნიშნული ფუნქციის გეგმაშეწონილად შესრულებისათვის და საგზაო სამუშაოს მიერ განსახილველი საკითხების თავის დროზე გადაწყვეტისათვის სამუშაოს სხდომები, თავმჯდომარის წინადადებით, გაიმართება თვეში ერთხელ მაინც. ამის გარდა, უკეთეს საჭირო იქნება, შეიძლება მოწვეულ იქნეს სასწრაფო სხდომაც.

80. დადგენილება ს. კ. ს.

იმ ქონების ნუსხის დამტკიცების შესახებ, რომელზედაც არ შეიძლება მიქცეულ იქნეს გადასახადისა, ბაჟისა და გამოსაღების ნარჩენის გადახდევინება.

გადასახადთა გადახდევინების დებულების (სსრკ. კან. კრ. 1925 წ. № 70, მუხ. 518 და 1928 წ. № 2, მუხ. 10) 17 და 18 მუხლის თანახმად და საქართველოს სსრ სახალხო კომისართა საბჭოს მიერ 1926 წლის ნოემბრის 12-ის თარიღით გამოცემული დადგენილების (საქართველოს სსრ კან. კრებ. 1926 წ. № 6, მუხ. 133) შესაცვლელად, რომელი დადგენილებაც შეეხება სხვადასხვა ქონებისათვის ისეთი რაოდენობის დაწესებას, რაზედაც, გადასახადთა გადახდევინების დებულების მე-17 მუხლის თანახმად, არ შეიძლება გადასახდელი მიიქცეს, — საქართველოს სსრ სახალხო კომისართა საბჭო ადგენს:

დამტკიცებულ იქნეს ქვემოაღნიშნული ნუსხა იმ ქონებისა, რომელზედაც არ შეიძლება მიიქცეს გადასახადისა, ბაჟისა და გამოსაღების ნარჩენის გადახდევინება.

6 უ ს ს ა


იმ ქონებისა, რომელზედაც არ შეიძლება მიქცეულ იქნეს გადასახადისა, ბაჟისა და გამოსაღების ნარჩენის გადახდევინება.

I. ხელთ-ქონებული თანხა, მენარჩენეს მიერ მესამე პირთაგან (მათ შორის დაწესებულებათა და ორგანიზაციათაგან) მისაღები თანხა და აგრეთვე ის თანხა, რომელიც ირიცხება მენარჩენეს მიმდინარე ანგარიშზე საკრედიტო დაწესებულებაში ან შეტანილია ანაბარად — სულ ისეთი რაოდენობით, რაც საჭიროა მუშა-მოსამსახურეთათვის სამუშაო ხელფასის მისაცემად გასული დროისათვის და წანდაწინ იურიდიული და აგრეთვე სოციალური დაზღვევის შენატანისა და აღნიშნულების გადასახდელად იმავე დროისათვის.

II. ყველა სახისა და საფეხურის კომპერატული ორგანიზაციისა, საურთიერთო და სასოფლო-სამეურნეო კრედიტის საზოგადოებათა და შრომითი არტელის წევრის საბაიო შენატანი და აგრეთვე საპასუხისმგებლო შრომის არტელის წევრის პაი.

III. თანხა, რაც მენარჩენეს ერგება სავალდებულო საგადასახდელი და არასავალდებულო დაზღვევით.

IV. თანხა, რაც მენარჩენეს მიეცება სოციალური დაზღვევის წესით, აგრეთვე გლეხთა ურთიერთ დამხმარე საზოგადოების მიერ დახმარებამ ან სესხის



სახით მიცემული თანხა და ის თანხა, რასაც სასოფლო-სამეურნეო დაწესებულება მისცემს სესხად ხელმოკლე გლეხურ მეურნეობას წარმოებითი მიზნისათვის.

V. სახელმწიფო ქონება, რის განსხვავება და დაგირავება, მომქმედი კანონმდებლობის თანახმად, არ შეუძლიან იმ ორგანოს, რომელიც ამ ქონებას განაგებს.

VI. სახელმწიფო დაწესებულებისა და საწარმოს შენობა და აგრეთვე ის ქონება, რაც სახელმწიფო საწარმოს ძირითადი კაპიტალის შედგენილობაში შედის.

VII. ხედლეულობა და სათბობი მასალა, რაც საჭიროა საწარმოს ფაქტიური მუშაობისათვის სამი თვის განმავლობაში.

VIII. საწარმოო იარაღი, ინსტრუმენტები, სახელმძღვანელოები და წიგნებო, რაც საჭიროა როგორც თვით მენარჩენის, ისე მის რჩენაზე მყოფი მისი ოჯახის წევრის ხელობისა, შინა-მრეწველობისა და პირადი პროფესიონალური მუშაობისათვის: 1) საწარმოო იარაღი და ინსტრუმენტები, რაც საჭიროა მენარჩენეთა იმ კატეგორიების ხელობისა და შინა-მრეწველობისათვის, რომელთაც მომქმედი კანონმდებლობის თანახმად მიწიქებული აქეთ სავადსახადად შეღავათები, სახელდობრ: ხუროს და დურგლისათვის—დაზგა, შალაშინი, ცული, ხელის ხერხი და ბირდაბირი, რანდა, ხეწი, ჩაქუჩი, სატეხი და სხვ.; მეწაღესათვის—ჩაქუჩი, სადგისი, ფეხსაცმელის დანა, გადასაკიმი გაზი, კალაპორი, არა უმეტეს ხუთი წვეილისა, კაეი, არა უმეტეს ერთი წვეილისა, და სხვ.; მკედლისათვის—ქურა, საბურველი, გრდემლი, ჩაქუჩი, გაზი, ქოპოსანი და სხვ.; მეწაღე-გამომკრეღისათვის—გამოსაკრეღი მანქანა, მაკრატელი, ფეხსაცმელის დანა და სხვ. მღესავისათვის—სალესავი დაზგა; პარიკმახერისათვის—სარკე, სამართებელი, მაკრატელი, თმის საკრეკი მანქანა, საპარსი ხელსაწყო და სხვ.; ზეინკალისათვის—საზეინკლო დაზგა, ჩაქუჩი, გაზი, საკავშირებელი ლამპა, კლიბი, მუხრუკი, პრეტელტუჩა და სხვ.; მეშუშისათვის—ალმასი და ხეეწი; შინ მომუშავე ფეიქრისათვის—საფეიქრო დაზგა; ტრიკოტაჟის მქსოველისათვის—საქსოვი მანქანა, ნართის ამოსახვევი დაზგა, ჩხირები და სხვ.; მკერავისა და მკერავი ქალისათვის—საკერავი მანქანა, მაკრატელი და სხვ., და აგრეთვე სხვა საგნები, რაც კი საჭიროა ზემოხსენებული და სხვაგვარი ხელობისა და რეწვისათვის. 2) საწარმოო იარაღი, ინსტრუმენტები, სახელმძღვანელოები და წიგნები, რაც საჭიროა პირადი პროფესიონალური მუშაობისათვის, სახელდობრ: სამეცნიერო და სამედიცინო დარგის მომუშავეთათვის—სახელმძღვანელოები, წიგნები და ინსტრუმენტები, რაც შეეფერება თვითთულ მათგანის მუშაობის ხასიათსა და სპეციალობას და საჭიროა მისთვის; კბილის ტეხნიკოსისათვის—კბილის ტეხნიკური ინსტრუმენტები; მუსიკოსისა და მომღერლისათვის—ნოტები, მუსიკალური ინსტრუმენტები და სხვ.; მხატვრისათვის—მალიტრა, ფუნჯები, მოლბერტი და სხვ.; მხაზავისათვის—დაფა, სახაზავი, საფარკლე და სხვ.; და აგრეთვე ზემოხსენებული და სხვაგვარი პირადი პროფესიონალური მუშაობისათვის საჭირო სხვა საგნები.

შენიშვნა. ამა (VIII) მუხლში აღნიშნული საგნები არ ჩამოერთმევა ამავე კატეგორიების იმ პირთ (ზეინკალს, დურგალს, მონტიორს, ექიმს, მუსიკოსს, მხაზავს და სხვ.), რომელნიც მსახურობენ ან დაქირავებით მუშაობენ და აგრეთვე მოსწავლეთ.

IX. მენარჩენისა და მის რჩენაზე მყოფი პირისათვის საჭირო სახამთრო და საზაფხულო ტანისამოსი, თეთრეული, ფეხსაცმელი და ოჯახში სახმარებელი სხვა ნივთები: 1) სახამთრო და საზაფხულო ტანისამოსი სულზე ერთი საზაფხულო ან საშემოდგომო პალტო (ან ნაბადი, ზიპუნი, პოდიოვკა და სხვ.), ერთი სახამთრო პალტო (ან ჯუბა, ქურჭი, ტყაპუქი და სხვ.), ერთი ხელი სახამთრო კოსტიუმი (ქალისათვის—ორი სახამთრო კაბა), ერთი საზაფხულო კოსტიუმი (ქალისათვის—ორი საზაფხულო კაბა), ერთი ყაბალახი, ერთი ფურაცკა (შლაპა) და ერთი ქუდი, ხოლო ქალისათვის, ამას გარდა, ორი საზაფხულო თავსახვევი და ერთი თბილი მოსახვევი (ან შალი); 2) თეთრეული არა უმეტეს სამი წყვილისა სულზე; 3) ერთი წყვილი ტყავისა და ერთი ნაბდის ფეხსაცმელი სულზე; 4) ოჯახში სახმარებელი და სხვა საჭირო ნივთები: ა) სულზე—ერთი სასადილო (თევში, ჩანჯალი, დანა და კოვზი) და ერთი საჩაიე (ჭიქა ან ფინჯანი და ლამბაქი) ხელსაწყო, ერთი სკამი (ტაბურეტი), ერთი ხელი ლოგანი (ლეიბი, ბალიში, ორი ზეწარი, ორი ბალიშის პირი, ერთი საბანი), ერთი საწოლი, ორი პირსახოცი; ბ) თვითეულ ოჯახზე—სამოვარი (ჩაიდანი ან თუჯის რამ ქურქული, წყალის ასადლეგზლად), პრიმუსი (ან კეროსინკა), ლამპა, სასადილო მაგიდა, ორი სუფრა, ორი ჩაის ტილო, ორი ქურჭლის ტილო, ორი ვედრო, ერთი სკივრი (ან მისი მაგიერი სხვა რამ ტანისამოსის შესანახად), სამხარეულოსათვის აუცილებლად საჭირო ხელსაწყო (ქვაბები, თუჯის ქურქული, ჭეხასაქერი ჩეკი, ვარცლი და სხვ.).

შენიშვნა. არ შეიძლება აგრეთვე ისეთი ქონების ჩამორთმევა, აღნიშნული ნორმების ფარგლებში, რაც ეკოთმების გლეხის კომლის დროებით წასულ წევრს, რომელსაც აღრიცხულია სასოფლო-სამეურნეო გადასახადის გამოანგარიშების დროს.

X. სათბობი მასალა და პროდუქტები, რაც საჭიროა მენარჩენის ოჯახის წევრებისათვის და მასთან მკხოვრები ყველა იმ პირისათვის, ვინც მის რჩენაზე იმყოფება: 1) სათბობი მასალა იმდენი, რამდენიც საჭიროა მენარჩენის ოჯახისათვის საშემლის მოსახარშავად და მისი ბინის გასათბობად სამი თვის განმავლობაში; 2) სურსათ-სანოვავე იმდენი, რამდენიც საჭიროა გამოსაკვებად სამი თვის განმავლობაში, შემდეგი ანგარიშით თვითეულ სულზე თვეში: ფქვილი 18 კილოგრ. (ან 21 კილოგ. მარცკულელი), კარტოფილი 16 კილოგ., ბურღული 2 კილოგ., ზეთი 1 $\frac{1}{2}$ კილოგ. (2 კილოგ. კაკალი ან ზეთისხილის თესლი) და 4 კილოგ. ლობიო, ცერცვი და სხვა ბოსტნეულობა.

შენიშვნა. ერთიანი სასოფლო-სამეურნეო გადასახადის გადამხდელისათვის სანოვავე გამოანგარიშება აღნიშნული ნორმების ფარგლებში იმ რაოდენობით, რაც საჭირო იქნება ახალ მოსავლამდე.

XI. სასოფლო-სამეურნეო სულიერი და უსულო ინვენტარი და აგრეთვე საჭონლის საკვები:

1. სასოფლო-სამეურნეო სულიერი ინვენტარი: ა) თვითეულ მეურნეობაზე—ერთი ძროხა, ერთი ცხენი (ან ერთი აქლემი, თუ ჯორი, ან ერთი უღელი ხარი, ან და სათანადო რაოდენობის სხვა მუშა-საქონელი), ერთი ნოზარდი მუშა-საქონელი სამ წლისაზე არა მეტი ხნის და ერთი ხბო 1 $\frac{1}{2}$ წლამდე, ბ) ბულები, უკეთეს მათ საზოგადო ნახირისათვის იყენებენ.

შენიშვნა. წმინდა სამესაქონლო მეურნეობისათვის დაწესდება შემდეგი რაოდენობა ოთხფეხი საქონელისა, რომელზედაც გადახდევინება არ მოიქცევა: ა) უკეთუ მეურნეობაში სამ მკამელზე მეტი არ არის—შვიდი სული რქოსანი საქონელი, ხოლო, თუ მკამელთა რიცხვი სამზე მეტია, თვითუფლ მეურნეობაზე—ცხრა სული რქოსანი მსხვილფეხა საქონელი ან სათანადო რაოდენობის სხვა საქონელი; ამასთანავე ერთ სულ სხვილფეხა რქოსან საქონელს ეთანაბრება ერთი ცხენი, ერთი ჯორი, ერთი აქლემი, ორი ვირი ან ექვსი სული წვრილფეხა საქონელი (ცხვარი და თბა), ბ) მთლიად მოზარდი თბა და ცხვარი (ბატკანი და ციკანი).

2. საქონლის საკვები იმდენი, რამდენიც საჭიროა საკვების ახალ მოსავლამდე, შემდეგი ანგარიშით თევში: ა) ძროხისათვის—320 კილგ. თივა, ბ) წვრილფეხა რქოსანი საქონლისათვის—48 კილგ. თივა, გ) ხარისათვის—480 კილგ. თივა, დ) ხბოსათვის—208 კილგ. თივა, ე) ცხენისათვის—240 კილგ. თივა და 136 კილგ. შერია ან სიმინდი, ვ) კვიცისათვის—80 კილგ. თივა და 20 კილგ. შერია ან სიმინდი.

შენიშვნა. თივის ნაცვლად შეიძლება იყოს სათანადო რაოდენობის ბზე და ჩალა ფქვილისა და ქატოს ან სათანადო რაოდენობის კონცენტრირებული საკვების არევით.

3. სასოფლო-სამეურნეო უსულო ინვენტარი: ა) გლეხის თვითუფლ მეურნეობაზე—ერთი სახნისი, ერთი გუთანა, ერთი ფარცხი, ერთი ურემი, ერთი მარბილი, ცხენის მოკაშმულობა და წვრილი ინვენტარი საჭირო რაოდენობით (ნამგალი, ცული, ცული, ფოცხი, ორთითა, ნიჩაბი და სხვ.); ბ) ნადირობისა, თევზაობისა და სხვაგვარი რეწვისათვის საჭირო იარაღი ისეთ მეურნეობაში, სადაც ასეთი რეწვა შემოსავლის ძირითადი წყაროა.

XII. საცხოვრებელი და სამეურნეო შენობები, რაც სოფლის მეურნეობის განუყოფელ კუთვნილებას შეადგენს და აგრეთვე სახელმწიფო ორგანოებისაგან უფასოდ ან შეღავათიანი პირობებით მიღებული და შენობების ასაგებად დანიშნული ხე-ტყე.

XIII. მოუწვევლი მოსავალი, გარდა იმ სამრეწველო ხასიათის მოსტნისა, ბალისა, ვენახისა, თამბაქოს პლანტაციისა და ბაღის მოსავლისა, რაც შრომითი კომუნას და კოოპერატიულ ორგანიზაციის არ ეკუთვნის.

XIV. თესლეულობა იმდენი, რამდენიც საჭიროა მენარჩენის მიერ დასამუშავებელი მიწას დასათესად მიმდინარე სასოფლო-სამეურნეო წელს, შემდეგი ანგარიშით ფაქტურად დასათესი მიწის ერთ დესეტინაზე: შერია, ქერი, საშემოდგომო და საგაზაფხულო თესვის ხორბალი, თვითუფლი—320 კილგ., კარტოფილი—1.600 კილგ., ქეფი—160 კილ., უგრებელი—128 კილგ., ფეტვი—32 კილგ., სიმინდი—32 კილგ., ცერცვი, ლობიო, მუხუნო და ოსპი, თვითუფლი—128 კილგ., კანაფის თესლი—128 კილგ., მზეუტერიტას თესლი—24 კილგ., სე-

ლის თესლი—96 კილოგ., საცეები ბალახის თესლი—16 კილოგ., ბამბის თესლი—64 კილოგ., კენაფი—36 კილოგ., სალაფი—48 კილოგ., სოია—64 კილოგ. და თამბაქოს თესლი $\frac{1}{2}$ კილოგ..

საქართველოს სოც. საბჭ. რესპუბლიკის სახალხო
კომის. საბჭოს თავმჯდომარე ლ. ქართველიშვილი.

საქართველოს სოც. საბჭ. რესპუბლიკის სახალხო
კომისარიათა საბჭოს საქმეთა მმართველი პ. მეგრელიშვილი.

1928 წ. მაისის 8.
ტფილისი—სასახლე.

81. დადგენილებათ ს. ა. ს.

სასამართლოს გადაწყვეტილებითა, დადგენილებითა და განაჩენის ძალით გადახადდებიან თანხების შემოსავლისათვის მეთვალყურეობის გაწევის წესის შესახებ.

საქართველოს სსრ სახალხო კომისარიათა საბჭოს მიერ სასამართლოს წესით დადებული ჯარიმისა და სასამართლოს ხარჯის გადახდებიანისათვის, აგრეთვე სასამართლოს მიერ სახელმწიფო სახსარზე მყოფი დაწესებულების სასარგებლოდ გამოტანილ გადაწყვეტილებათა აღსრულებისათვის მეთვალყურეობის გაწევის წესების შესახებ 32 №-რით გამოცემული დადგენილების (ქან. და განკარგ. კრ. 1925 წ. მე-3 №-რი, მუხ. 102) გასაუქმებლად—საქართველოს სსრ სახალხო კომისარიათა საბჭო ადგენს:

1. სასამართლოს განაჩენი და გადაწყვეტილება ჯარიმის დადებისა და სასამართლო ბაჟისა, საკანკელარო გამოსაღებისა და სასამართლოს მიერ სამოქალაქო და სისხლის სამართლის საქმეების საწარმოებლად გაწეული ხარჯების (სამოქალაქო სამართლის საპროცესო კოდექსის 47 მუხ. და სისხლის სამართლის საპროცესო კოდექსის 88 მუხ.) გადახდებიანების შესახებ, აგრეთვე ის გადაწყვეტილება, რომლითაც სახელმწიფო ან ადგილობრივ ბიუჯეტზე მყოფ დაწესებულებას სასამართლო ხარჯი გადაეწყვიტა (სამოქალაქო სამართლის საპროცესო კოდექსის 47 მუხ.) და აღნიშნულ დაწესებულებათა სამოქალაქო სარჩელი მათ სასარგებლოდ გადაწყდა, სასამართლოს აღმასრულებელმა და მილიციის ორგანომ უნდა აღასრულოს ქალაქში—არა უგვიანეს შვიდი დღისა, ხოლო სოფლად არა უგვიანეს თოთხმეტი დღისა იმ დღიდან, როდესაც სასამართლოს აღმასრულებელი და მილიციის ორგანო მიიღებს აღსასრულებლად დადგენილებას ან გადაწყვეტილებას, და გადახდებიანული თანხა დაუყოვნებლივ უნდა შეიტანოს ფინანსთა სახალხო კომისარიატის სათანადო საღარიბოში.

2. უკეთეს სასამართლო დაადგენს გადასახადებისა და საღარიბო გამოსაღების, აგრეთვე მათთან დაკავშირებით დადებული ჯარიმისა და საურავის გადახდებიანებს, რაც საერთო წესით უნდა მოხდეს „გადასახადთა აკრეფის დებუ-

ლები“ თანახმად (სსრკ კან. კრ. 1925 წ. 70 №-რი, მუხ. 518; 1926 წ. 67 №-რი, მუხ. 304; 1927 წ. მე-4 №-რი, მუხ. 48; მე-6 №-რი, მუხ. 57 და მე-18 №-რი, მუხ. 199), სასამართლო ორგანო გაუგზავნის დადგენილების ასლს ფინანსთა სახალხო კომისარიატის ადგილობრივ ორგანოს, რომელიც გადახდევინებას მოახდენს აღნიშნული დებულების თანახმად.

3. სასამართლომ უნდა აწარმოოს ზედმიწევნითი აღნუსხვა სასამართლოს აღმასრულებლებისა და მილიციის ორგანოების მიერ გადახდევინებული ჯარიმისა, სასამართლო ბაჟისა, საკანცელარიო გამოსაღებისა, აგრეთვე სასამართლოს მიერ სამოქალაქო და სისხლის სამართლის საქმეების საწარმოებლად გაწეული ხარჯებისა და თვალყური ადევნოს, რათა სასამართლოს აღმასრულებლები და მილიციის ორგანოები თავის დროზე ახდევინებდნენ აღნიშნულ თანხებს.

4. საერთო მეთვალყურეობის გაწევა იმისათვის, რომ ამა დადგენილების 1-ლ მუხლში აღნიშნული თანხები უკლებლივ და თავის დროზე შემოდიოდეს, ფინანსთა სახალხო კომისარიატის ორგანოებს დაეკისრებათ.

5. უკეთუ გადახდელი, რომელსაც შეემატება რაიმე უბედურება და ამის გამო დაჰკარგა მთლად ან ნაწილობრივ გადახდის უნარი, აღძრავს თხოვნასა რათა მას მთლად და ნაწილობრივ მოეხსნას ამა დადგენილების მე-3 მუხლში აღნიშნული გადასახდელი, ან გადაედოს თუ გაუნაწილდეს გადახდის ვადა, ამ თხოვნას განიხილავს დადგენილების ან განაჩენის ვაჰიმტანი სასამართლო, რომელიც, უკეთუ ყოველ ცალკე შემთხვევაში გადასახდევინებელი თანხა 10 მანეთს არ აღემატება, მთლად ან ნაწილობრივ მოხსნის ამ თანხას, ან გადასდებს, ან დაგაანაწილებს გადახდის ვადას.

ხოლო, უკეთუ გადასახდევინებელი თანხა ათ მანეთს აღემატება, და უკეთუ ის პირი, რომელმაც ეს თანხა უნდა გადაიხადოს, მოკლებულია გადასახადის უნარს, სასამართლო გაუგზავნის მთელ წარმოებას განკარგულებისათვის ფინანსთა სახალხო კომისარიატს. ეს უკანასკნელი გადახდელისათვის შეღავათის ენისკების დროს იხელმძღვანელებს გადასახადითა აკრეფის დებულების სათანადო მუხლებს.

შენიშვნა. საკითხი სასამართლოს განაჩენით სისხლის სამართლის საქმეზე გადაწყვეტილი ჯარიმის გადახდის ვადის გადადების ან განაწილების შესახებ გადაწყდება სისხლის სამართლის საპროცესო კოდექსის 455 და 456 მუხ. მიხედვით.

6. უკეთუ ფინანსთა სახალხო კომისარიატი ან მისი ადგილობრივი ორგანო თანახმა არ იქნება ამა დადგენილების მე-5 მუხლში აღნიშნულ შეღავათების მინიჭებისა, გადახდევინებას მოახდენს ფინანსთა სახალხო კომისარიატის ორგანო გადასახადითა აკრეფის დებულებაში განსაზღვრული წესით.

7. ფინანსთა სახალხო კომისარიატის სალაროებში ჯარიმების გადახდევინებით შესული ყველა თანხა ვადაირიცხება სახელმწიფო შემოსავლად, უკეთუ კანონში გათვალისწინებული არ არის სხვა ამ თანხების რამ დანიშნულება.

8. ყველა ის თანხა, რაც ფინანსთა სახალხო კომისარიატის სალაროებში შევა სახელმწიფო ან ადგილობრივ ბიუჯეტზე მყოფ დაწესებულებების სასარ-

გებლოდ გადაწყვეტილი სასამართლოს ხარჯისა და ამ დაწესებულებების სარჩელთა მიხედვით გადაწყვეტილი თანხების გადახდევინებით, ჩაირიცხება ან სათანადო (სახელმწიფო ან ადგილობრივ) ბიუჯეტის შემოსავლად, ან უწყების კრედიტის აღსადგენ თანხად, იმისდა მიხედვით, უწყების შემოსავალია ეს თანხა თუ მისი საოპერაციო სახსარია.

საქართველოს სსრ სახალხო კომისართა საბჭოს
თავმჯდომარის მოადგილე ს. ჯუღელი.

საქართველოს სსრ სახალხო კომისართა საბჭოს
საქმეთა მმართველის მოადგილე ხ. სტეფანოვი.

1928 წ. მაის 8.
ტფილისი—სასახლე.

ს. დ. ა. გ. ე. ნ. ი. ლ. ე. ბ. ს. კ. ს.

1928/29 წ. ერთიანი სასოფლო-სამეურნეო გადასახადის შესახებ.

სსრ კავშირის ცენტრალური აღმასრულებელი კომიტეტის მიერ 1928 წ. აპრილის 21-ს დამტკიცებულ ერთიანი სასოფლო-სამეურნეო გადასახადის დებულების (1928 წ. აპრილის 22 თარიღისა და 94 №-რის „იხვ.“) თანახმად და ა/კ. სახალხო კომისართა საბჭოს 1928 წ. მაისის 10-ს თარიღისა და მე-40 № რის დადგენილების („ზარია ვოსტოკა“-ს 108 №-რი 1928 წ. მაისის 12-სა) განსავითარებლად, საქართველოს სსრ სახალხო კომისართა საბჭო ადგენს:

1. მემინდერობის შემოსავლის გამოანგარიშება ყოველგან უნდა სწარმოებდეს მეურნეობაში ფაქტიურად დათესილ მიწის (ნათესის) რაოდენობის მიხედვით. ამა თუ იმ ცალკე შემთხვევაში, განსაკუთრებული შეამდგომლობით და ადგილობრივ პირობათა გათვალისწინებით, საქართველოს ფინანსთა სახალხო კომისარიატს უფლება აქვს შეამდგომლობა აღძრას ამა თუ იმ მაზრაში ან რაიონში დაბეგრა სახნავის მიხედვით მოხდეს.

2. ნოსტენების, ბალჩენებისა და ხლის ბაღებისათვის შემოღებული სპეციალური ნორმებით დაუბეგრავე მინიმუმი დაწესებულ იქნეს თვითმეულ მეურნეობისათვის 60 კვად. საგენის რაოდენობით.

3. ერთიანი სასოფლო-სამეურნეო გადასახადის დებულების მე-19 მუხ. ჩამოთვლილ წყაროების გარდა, ამა დადგენილების მე-5 მუხ. აღნიშნული ნორმებით დაბეგრილ უნდა იქნეს ნათესი: ბრინჯის პლანტაციისა, კარტოფილისა, მანდარინის პლანტაციისა, დათესილი ბაღებისა, ბამბუკისა და დეკორატიული მცენარისა.

4. დამტკიცებულ იქნეს სია იმ ქალაქებისა და ქალაქის ტიპის დასახლებული ადგილებისა, სადაც მოსახლეობა დაიბეგრება სასოფლო-სამეურნეო გადასახადით: ლოუქსმბურგი, შაუმიანი, ცხინვალი, გორი, ხაშური, ახალქალაქი, ზესტაფონი, სამტრედია, ონი, ზონი, ზუგდიდი, ოზურგეთი და სენაკი.

5. საქართველოს სსრ შედგენილობაში შემავალი მაზრებისათვის დაწესებულ იქნეს შემოსავლიანობის შემდეგი მტკიცე ნორმები:



6. იჯარით აღებული მიწებისათვის დაწესდება ნომინალურ ნორმასთან შედარებით 20 %-ით ნაკლები ნორმა შემოსავლიანობისა.

7. გადასახადით დაიბეგრება: ა) შინამრეწველობის და ხელოსნობის შემოსავალი—50% რაოდენობით; ბ) სხვა, არასამრეწველო საქმიანობის შემოსავალი—70% რაოდენობით; არასამრეწველო საქმიანობის შემოსავალი—100% რაოდენობით და მეურნეობის გარეშე რეწვის შემოსავალი—10% რაოდენობით.

8. სამარტოხელო მეურნეობისათვის, რომლის ყველა შემოსავალი 300 მანეთს აღემატება, მთლად საქართველოს ტერიტორიაზე დაწესებულ იქნეს სოფლის მეურნეობის შემოსავალზე, რაც ნორმების მიხედვით იქნება გამოანგარიშებული, სპაროცენტო ზედნართი შემდეგი რაოდენობით:

უკეთეს მეურნეობის საერთო შემოსავალი 300 მან. მეტია,	400	"	500	"	7	%
"	500	"	600	"	9	%
"	600	"	700	"	12	%
"	700	"	800	"	15	%
"	800	"	900	"	18	%
"	900	"	1000	"	21	%
"	1000 მან. მეტია				25	%

შენიშვნა. ამა მუხლში აღნიშნული ზედნართი არ ვაგრძელებდა ისეთ მეურნეობაზე, რომლის საერთო დასაბეგრი შემოსავალი ერთ მკამელზე 50 მანეთს არ აღემატება.

9. ერთნაირი სასოფლო-სამეურნეო გადასახადით არ დაიბეგრება ისეთი სამარტოხელო მეურნეობა, რომლის დასაბეგრი შემოსავალი არ აღემატება: როდესაც მეურნეობაში ერთი და ორი მკამელია,—100 მანეთს, როდესაც სამი მკამელია—120 მანეთს, ხოლო როდესაც ხუთი და მეტი მკამელია,—130 მან.

10. იმ ნაკლებად ღონიერ მეურნეობათა გადასახადისაგან განათავისუფლებლად, რომელთა შემოსავალიც რესპუბლიკანურ დაუბეგრავე მინიმუმს აღემატება, დაწესდება სამონაკლებო ფონდი 2 %-ნი მონაკლების ვარაუდით გადასახადის გამოანგარიშებულ თანხაზე.

11. ფინანსთა სახალხო კომისარიატი, დაინტერესებულ სახალხო კომისარიატებთან შეთანხმებით, დაადგენს იმ მეურნეობებისა და მიწების სიას, რომელთა შემოსავალიც განთავისუფლებულ უნდა იქნეს გადასახადისაგან დებულებების 13 მუხ. თანხმად.

12. განთავისუფლებულ იქნეს ერთიანი სასოფლო-სამეურნეო გადასახადით დაბეგრისაგან ყველაზე ჩაის პლანტაციებით დაქერილი სივრცე და თუთის ნარგავები, აგრეთვე მებაღეობის შემოსავალი.

13. გადასახადის შტანისათვის დაწესდება შემდეგი უკიდურესი ვადები:

აღმოსავლეთ საქართველოსთვის: 1-ლი ვადა—1928 წ. ოქტომბრის 1-ლი საერთო თანხის 20 %-ტი.

მე-2 ვადა—1928 წ. დეკემბრის 1-ლი—70%.

მე-3 ვადა—1929 წ. თებერვლი 1-ლი—10%.

დახველეთ საქართველოსათვის: 1-ლი ვადა—1928 წ. ოქტომბრის 1-ლი—საერთო თანხის 10⁰/₁₀₀.
მე-2 ვადა—1929 წლის იანვრის 1-ლი—30⁰/₁₀₀.
მე-3 ვადა—1929 წ. თებერვლის 1-ლი—60⁰/₁₀₀.

14. აღნუსხვის განსახორციელებლად დაარსებულ იქნეს სასოფლო სააღ-ნუსხეო კომისიები სოფლის საბჭოს თავმჯდომარისა, საგლეხო საურთიერთო დახმარების სასოფლო ორგანიზაციის წარმომადგენლისა და სოფლის ყრილობა-ზე არჩეული პირის შედგენილობით.

ამ კომისიებს დაეკისრებათ:

ა) სასოფლო სიის შედგენა, საშემოსავლო წყაროთა და მკამელთა აღ-ნუსხვა;

ბ) წინასწარი განსაზღვრა თვითივლი მებურნეობის არასამიწათმოქმედო შე-მოსავლის რაოდენობისა.

15. გადამხდელთა დასაბეგრი შემოსავლის გამოანგარიშება, შესაწერი გა-დასახადის განაკვეთის გამოანგარიშება, საშენაწერო ფურცლებისა და პირადი ანგარიშების შედგენა დაეკისრება სამაზრო საფინანსო განყოფილებას. შენატანი გადასახადის მიღება, ზედმეტად შეტანილი გადასახადის დაბრუნება და გაბრა, აგრეთვე საერთო ხელმძღვანელობა და მეთვალყურეობა გადასახადის აკრეფის საქმეში დაევალება სათემო აღმასრულებელ კომიტეტს და სამაზრო საფინანსო განყოფილებას.

16. სამაზრო აღმასრულებელ კომიტეტთან მოეწყობა საგადასახადო კო-მისია, სადაც შეეღწე: ა) თავმჯდომარე, რომელსაც დანიშნავს სათანადო აღ-მასრულებელი კომიტეტი; ბ) სამაზრო საფინანსო, საადგილობრივო და სასტა-ტისტიკო ორგანოებისა და პროფორგანიზაციების თითო-თითო წარმომადგე-ნელი; გ) ორი გლეხი, რომელთაგან ერთს დანიშნავს საგლეხო საურთიერთო დახ-მარების სათემო კომიტეტი, ხოლო მეორეს აირჩევს სოფლის ყრილობა სათა-ნადო სოფლების საქმეთა გარჩევაში მონაწილეობის მისაღებად.

შენიშვნა. სოფლის ყრილობის მიერ არჩეული გლეხი-წევრი მიიღებს ადგილობრივი ბიუჯეტის სახსარიდან გასამრჯელოს კომისიის მუშაობაში მონაწილეობისათვის—თითო სხდომაზე თითო მანეთს.

საგადასახადო კომისიას დაეკისრება:

ა) გადასწვეტოს საკითხი ლარიზ მებურნეობათა არასამიწათმოქმედო შე-მოსავლის გადასახადით დაბეგრისაგან განთავისუფლების შესახებ ერთიანი სა-სოფლო-სამებურნეო გადასახადის დებულების მე-10 მუხ. „ა“ პუნქტის წესისა-მებრ;

ბ) განსაზღვროს გადამხდელთა არასამიწათმოქმედო შემოსავლის რაოდე-ნობა;

გ) განსაზღვროს შეძლებულ მებურნეობათა დასაბეგრი შემოსავლის რაოდე-ნობა ერთიანი სას.-სამ. გადასახადის დებულების 28 მუხ. წესისამებრ;

დ) გადასწყვეტოს საკითხი ისეთი მეურნეობის დაბეგვრის შესახებ, რომლის შემოსავალი დაუბეგრავ მინიმუმზე ნაკლებია (ერთიანი სას.-სამ. გადასახ. დებულების 35 მუხ.);

ე) გაანთავისუფლოს გადასახადისაგან ფონდების ხარჯზე ნაკლებად ლონიერი მეურნეობანი;

ვ) გაანთავისუფლოს გადასახადისაგან სრულიად ან ნაწილობრივ სტიქიური უბედურებისაგან დაზარალებული მეურნეობანი;

ზ) განიხილოს და გადასწყვეტოს გადამხდელთა (გარდა საბჭოთა მეურნეობისა) საჩივრები საშემოსავლო წყაროების არასწორი აღნუსხვის თაობაზე და შემოსავლის თანხისა (გარდა ამა მუხლის „ბ“ და „გ“ პუნქტებში აღნიშნულ შემოსავლისა) და გადასახადის განაკვეთების არასწორი გამოანგარიშების თაობაზე.

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარე ლ. ქართველიშვილი.

საქართველოს სსრ სახალხო კომისართა საბჭოს
საქმეთა მმართველის მოადგილე ს. სტეფანოვი.

1928 წ. მაისის 8.
ტფილისი-სახალღ.

გამოქვეყნებულია ვახ. „კომუნისტის“ 127 №-ში 1928 წ. ივნისის 3.

83. დ ა დ გ ე ნ ი ლ ე ბ ა ს. კ. ს.

პასუხსაგები შრომის ამხანაგობათა (არტელების) დებულების გაუქმების შესახებ.

საქართველოს სოც. საბჭ. რესპუბლიკის სახალხო კომისართა საბჭო ადგენს: გაუქმებულ იქნეს საქართველოს სსრ სახალხო კომისართა საბჭოს მიერ 1923 წლის აგვისტოს 25-ს დამტკიცებული დებულება პასუხსაგები შრომის ამხანაგობათა (არტელების) შესახებ (საქართველოს სსრ კან. კრ. 1923 წ. მე-2 №-რი, მუხ. 3).

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარის მოადგ. ს. ჯუღელი.

საქართველოს სოც. საბჭ. რესპ. სახალხო კომისართა
საბჭოს საქმეთა მმართველის მოადგ. ს. სტეფანოვი.

1928 წ. მაისის 16.
ტფილისი-სახალღ.

გამოქვეყნებულია ვახ. „კომუნისტის“ 143 №-ში 1928 წ. ივნისის 16.

84. დ ა ზ ე ნ ი ლ ე ბ ა ს. კ. ს.

მიწების მორწყვისა და შეგუების ხფეროში, აგრეთვე წყლის სარგებლობის მოწესრიგების საქმეში საქართველოს სსრ მიწათმოქმედების სახალხო კომისარიატისა და წყალთა მეურნეობის სამმართველოს მუშაობის შეთანხმების შესახებ.

საქართველოს სსრ მიწათმოქმედების სახალხო კომისარიატისა და წყალთა მეურნეობის სამმართველოს მუშაობის შესთანხმებლად მიწების მორწყვისა და შეგუების სფეროში და აგრეთვე წყლის სარგებლობის მოწესრიგების საქმეში—საქართველოს სსრ სახალხო კომისარიატსა და წყალთა მეურნეობის სამმართველოს სსრ სახალხო კომისარიატისა და წყალთა მეურნეობის სამმართველოს შორის დადგენილი ურთიერთობის გაუმჯობესების მიზნით, დადგინდა შემდეგი წესი წყალ-სამეურნეო გეგმების შედგენისა და წყალ-სამეურნეო ღონისძიებათა განხორციელების შესახებ:

1. დამყარებულ იქნეს შემდეგი წესი წყალ-სამეურნეო გეგმების შედგენისა და წყალ-სამეურნეო ღონისძიებათა განხორციელების შესახებ:

1. მიწათმოქმედების სახალხო კომისარიატი ყველა თავის მოსაზრებას საჭირო წყალ-სამეურნეო სამუშაოთა შესახებ, რაიონების დასახელებით და სამუშაოთა მოცულობისა და რიგის აღნიშვნით, აცნობებს საქართველოს სსრ წყალთა მეურნეობის სამმართველოს, რომელიც, მიიღებს რა სახელმძღვანელოდ ამ ცნობებს და აგრეთვე სხვა ცნობებსაც, შეიმუშავებს სამუშაოთა გეგმას, განზრახულ სამუშაოთა და მათი შესრულების ვადების აღნიშვნით, და გაუგზავნის ამ გეგმას მიწათმოქმედების სახალხო კომისარიატს. მიწათმოქმედების სახალხო კომისარიატი, ამ გეგმის მიხედვით, შეადგენს და გაუგზავნის საქართველოს სსრ წყალთა მეურნეობის სამმართველოს მოსაგვარებლად გათვალისწინებული მიწების დასახელებისა და შეგუების გეგმას.

2. წყალ-სამეურნეო კვლევისათვის საჭირო ხარჯების გარდა, კვლევათა ხარჯთაღრიცხვაში საქართველოს სსრ წყალთა მეურნეობის სამმართველო შეიტანს იმ საკითხების შესასწავლად საჭირო ხარჯებსაც, რაც შეეხება მიწებზე დასახლების შესაძლებლობას, მოცულობას და წესს და აგრეთვე დასახლებასთან და შეგუებასთან დაკავშირებულ ღონისძიებათა განხორციელებას.

3. კვლევათა პროგრამას, რაც დაკავშირებულია შეგუების საკითხთან, შეადგენს საქართველოს სსრ წყალთა მეურნეობის სამმართველო მიწათმოქმედების სახალხო კომისარიატთან ერთად.

4. საქართველოს სსრ წყალთა მეურნეობის სამმართველო შეადგენს წყლის სისტემების რეკონტისა და მოვლის გეგმას და აგრეთვე, მიიღებს რა სახელმძღვანელოდ მიწათმოქმედების სახალხო კომისარიატის ცნობებს იმ ადგილების სოფლის მეურნეობის ხასიათისა და საჭიროებათა შესახებ, სადაც მელიორაცია უნდა იქნეს განხორციელებული, დაამყარებს წყლის ხარჯვის წესსა და ნორმებს.

5. ადგილობრივ მომუშავე აგრონომებში უნდა შევიდნენ წყალთა საბჭოებში და სამელიორაციო აშხანაგობებში.

II. წინადადება მიეცეს წყალთა მეურნეობის სამმართველოს შეიმუშაოს და წარადგინოს საკანონმდებლო ორგანოებში პროექტი „დებულებისა წყლის სარგებლობის შესახებ“.

III. წინადადება მიეცეს მიწათმოქმედების სახალხო კომისარიატსა და სამაზრო აღმასრულებელ კომიტეტებს აგრონომიული დახმარების გეგმების შედგენის დროს მხედველობაში იქონიონ სამელიორაციო რაიონებისათვის მომსახურების გაწევის საჭიროება, რისთვისაც უნდა მოხდეს არსებული აგრონომიული პუნქტების გადანაწილება ან ახალი პუნქტების ორგანიზაცია საქართველოს სსრ წყალთა მეურნეობასთან შეთანხმებით.

IV. წინადადება მიეცეს მიწათმოქმედების სახალხო კომისარიატს, სამაზრო აღმასრულებელ კომიტეტებს, სასოფლო-სამეურნეო კოოპერაციის ცენტრალურ კაეშირს „სოფლის-კაეშირს“ გამოიყენონ სააგრონომიო და საინსტრუქტორო პერსონალი მოსახლეობის სამელიორაციო ამბანავობებში ჩაბმისა და ამ ამბანავობების მოქმედების განვითარებისათვის, აგრეთვე მოსახლეობაში წყლის სარგებლობის დისკიპლინის განმტკიცებისათვის.

საქართველოს სსრ სახალხო კომისარიატსა
საბჭოს თავმჯდომარე ლ. ქართველიშვილი.

საქართველოს სსრ სახალხო კომისარიატსა
საბჭოს საქმეთა მმართველის მოადგილე ხ. სტეფანოვი.

1928 წ. მაისის 16.

ტფილისი—სახალხო.

85. დ ა დ გ ე ნ ი ლ ე ბ ა ს. კ. ს.

სახელმწიფოს მიერ სტუდენტ-სტიპენდიატების შესანახად გაწეული ხარჯის ანაზღაურების თაობაზე 1927 წლის თებერვლის 28-ის თარიღით გამოცემული დადგენილების მე-7 მუხლის შენიშვნის რედაქციის შეცვლის შესახებ.

საქართველოს სოც. საბჭ. რესპუბლიკის სახალხო კომისარიატსა საბჭო ადგენს: საქართველოს სოც. საბჭ. რესპუბლიკის სახალხო კომისარიატსა საბჭოს მიერ „სტუდენტ-სტიპენდიატების შესანახად სახელმწიფოს მიერ გაწეული ხარჯის ანაზღაურების შესახებ“ 1927 წლის თებერვლის 28-ის თარიღით გამოცემული დადგენილების (საქართველოს ს. ს. რესპუბ. კან. კრებ. 1927 წ. № 2, მუხ. 37) მე-7 მუხლის შენიშვნა მიღებულ იქნეს შემდეგი რედაქციით:

შენიშვნა. ყოფ. სტიპენდიატს, რომელიც სავალდებულო სამსახურის აღსრულებაზე უარს იტყვის ან ამ სამსახურის აღსრულებას თავს აარიდებს, — გადახდება ყველა ხარჯი, რაც სახელმწიფომ გასწია მისი შენახვისა და სწავლებისათვის სისწავლეზე. გადახდებიერებული თანხა შედის სასტიპენდიათა ფონდში, ამას გარდა, აღნიშნული სტიპენდიატი მიიღება პასუხისმგებლობაში საქართველოს სოც. საბჭ. რესპუბლიკის სისხლის სამართლის კოდექსის 61 მუხ. მე-2 ნაწ. მიხედვით.

საქართველოს სოც. საბჭ. რესპუბლიკის სახალხო
კომისარიატსა საბჭოს თავმჯდომარე ლ. ქართველიშვილი.

საქართველოს სოც. საბჭ. რესპუბლიკის სახალხო
კომისარიატსა საბჭოს საქმეთა მმართველის მოადგ. ხ. სტეფანოვი.

1928 წ. მაისის 18.

ტფილისი—სახალხო.

86. დ ა დ გ ე ნ ი ლ ე ბ ა ს. კ. ს.

1928/29 წლის ერთიანი სასოფლო-სამეურნეო გადასახადის თაობაზე 1928 წლის მაისის 8-ს თარიღით გამოცემული დადგენილების მე-7, მე-11 და 16 მუხლების რედაქციის შეცვლისა და ამ დადგენილებიანთა მე-17 მუხლის დამატების შესახებ.

საქართველოს სსრ სახალხო კომისარია საბჭო ადგენს:

1. მე-11 მუხლი საქართველოს სსრ სახალხო კომისარია საბჭოს 1928 წ. მაისის 8-ს დადგენილებისა—1928 წლის ერთიანი სასოფლო-სამეურნეო გადასახადის შესახებ („კომუნისტი“-ს 127—2170 №-რი 1928 წ. ივნისის 3-სა) მიღებულ იქნეს შემდეგი რედაქციით:

მუხ. 11. მიენდოს ფინანსთა სახალხო კომისარიატს შემოუშაოს, დაინტერესებულ უწყებებთან შეთანხმებით, იმ მეურნეობებისა და მიწების სია, რომელთა შემოსავლიც განთავისუფლებულ უნდა იქნეს გადასახადისაგან ერთიანი სასოფლო-სამეურნეო გადასახადის დებულების 43 მუხლის წესისამებრ (სსრკ ცენ. აღმ. კ-ტის „იზვესტია“-ს 94 №-რი 1928 წ. აპრილის 22-სა) და ეს სია წარმოდგინოს დასამტკიცებლად საქართველოს სსრ სახალხო კომისარია საბჭოს.

2. აღნიშნული, 1928 წ. მაისის 8-ს, დადგენილების მე-16 მუხლი მიღებულ იქნეს შემდეგი რედაქციით:

მუხ. 16. დაარსდეს სამაზრო აღმასრულებელ კომიტეტებთან სავადასახადო კომისიები შემდეგი შედგენილობით:

ა) თავმჯდომარე, რომელსაც დანიშნავს სათანადო სამაზრო აღმასრულებელი კომიტეტი; ბ) თითო წარმომადგენელი სამაზრო საფინანსო, საადგილმამულო და სასტატისტიკო ორგანოებისა და პროფესიონალური ორგანიზაციებისა; გ) წარმომადგენელი გლეხთა საურთიერთო დახმარების საზოგადოების სამაზრო ორგანოსი ან სათანადო ორგანიზაციისა სამაზრო სავადასახადო კომისიის დაეკისრებათ:

ა) დააწესოს წინასწარ ნორმები უზნისა, თემისა და სოფლებისათვის;

ბ) გადამწყვიტოს სათანადო შემთხვევაში გადახდელთა საჩივრები.

3. საქართველოს სსრ სახალხო კომისარია საბჭოს 1928 წლის მაისის 8-ს დადგენილებას—1928-29 წლის ერთიანი სასოფლო-სამეურნეო გადასახადის შესახებ დაემატოს მე-17 მუხლი შემდეგი შინაარსისა:

მუხ. 17. სათემო აღმასრულებელ კომიტეტებთან მოეწყოს სავადასახადო კომისიები შემდეგი შედგენილობით:

ა) თავმჯდომარედ არის სათემო აღმასრულებელი კომიტეტის თავმჯდომარე;

ბ) თითო წარმომადგენელი სათემო საფინანსო და საადგილმამულო ორგანოებისა;

გ) ორი გლეხი, რომელთაგან ერთს დანიშნავს გლეხთა საურთიერთო დახმარების სათემო კომიტეტი, ხოლო მეორეს აარჩევს სასოფლო ყრილობა სათანადო სოფლების საქმეთა გარჩევაში მონაწილეობის მისაღებად.



შენიშვნა. სასოფლო ყრილობის მიერ არჩეული გლეხი-წევრი ზღაპრულად ლეხს კომისიაში მუშაობისათვის გასამრჯელოს ადგილობრივი ბიუჯეტის სახსარიდან ერთი მან. რაოდენობით თვითეულ სხდომაში მონაწილეობისათვის.

სათემო საგადასახადო კომისიას დაეყისრება:

ა) გადასწყვიტოს საკითხი ღარიბ მეურნეობათა არასამიწათმოქმედო შემოსავლის გადასახადით დაბეგვრისაგან განთავისუფლების შესახებ ერთიანი სასოფლო-სამეურნეო გადასახადის დებულების მე-10 მუხლის „ბ“ პუნქტის წესისამებრ;

ბ) განსაზღვროს ვადამზღელთა არასამიწათმოქმედო შემოსავლის რაოდენობა;

გ) განსაზღვროს შეზღუდულ მეურნეობათა დასაბეგრი შემოსავლის რაოდენობა ერთიანი სასოფლო-სამეურნეო გადასახადის დებულების 28 მუხ. წესისამებრ;

დ) გადასწყვიტოს საკითხი ისეთი მეურნეობის დაბეგვრის შესახებ, რომლის შემოსავალიც დაუბეგრავ მინიმუმზე ნაკლებია (ერთიანი სას.-სამ. გადასახ. დებ. 35 მუხ.).

ე) განთავისუფლოს გადასახადისაგან ფონდების ხარჯზე ნაკლებად ღონიერი მეურნეობანი;

ვ) განთავისუფლოს გადასახადისაგან სრულიად ან ნაწილობრივ სტიქიური უბედურებისაგან დაზარალებული მეურნეობანი;

ზ) განიხილოს და გადასწყვიტოს ვადამზღელთა (გარდა საბჭოთა მეურნეობისა) საჩივრები საშემოსავლო წყაროების არასწორი აღნუსხვის თაობაზე და შემოსავლის თანხისა (გარდა ამ მუხლის „ბ“ და „გ“ პუნქტებში აღნიშნული შემოსავლისა) და გადასახადის განაკვეთების არასწორე გამოანგარიშების თაობაზე.

4. ზემოაღნიშნული, 1928 წ. მაისის 8-ს, დადგენილების მე-7 მუხლის „ბ“ პუნქტიდან ამოიშალოს სიტყვები: „და მეურნეობის გარეშე რეწვის შემოსავალი—10“.

საქართველოს სსრ სახალხო კომისართა საბჭოს
თავმჯდომარე **ლ. ქართველიშვილი.**

საქართველოს სსრ სახალხო კომისართა საბჭოს
საქმეთა მმართველის მოადგილე **ს. სტეფანოვი.**

1928 წ. ივნისის 7.
ტფილისი-სახალხო.

87. დ ა დ გ ე ნ ი ლ ე ბ ა ს. კ. ს.

საქართველოს უფ. საადგილმამულო ბანკებში და ტფილისის საკრედიტო საზოგადოებაში დაგირავებულ ქალაქად მდებარე სახლების ვალის გადახდევინების მოსპობის შესახებ.

საქართველოს სსრ სახალხო კომისართა საბჭო ადგენს:

1. საქართველოს სსრ სახალხო კომისართა საბჭოს 1922 წლის დეკემბრი-28-ს თარიღისა და მე-16 №-რის დეკრეტი საქართველოს საადგილმამულო ბანკებში და ტფილისის საკრედიტო საზოგადოებაში დაგირავებულ ქალაქად მდებარე სახლების შესახებ, — ყველა შემდგომი ცვლილებით და დამატებით, ცნობილ იქნეს ძალა-დაკარგულად 1928 წლის ივნისის 1-და 6 და ამ დღიდან მოიხსნოს გადახდევინება იმ ვალისა, რაც სახლებზე კიდევ ირიცხება აღნიშნულ საკრედიტო დაწესებულებების სესხის სახით.

2. წინადადება მიეცეს საქართველოს კომუნალურ ბანკს გააუქმოს მასთან არსებული საპიპოთეკო განყოფილება, რომელიც ანზორციელებდა წინა მუხლში აღნიშნული დადგენილებებს.

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარე ლ. ქართველიშვილი.

საქართველოს სოც. საბჭ. რესპუბლიკის სახალხო
კომისართა საბჭ. საქმეთა მმართველის მოადგ. ს. სტეფანოვი.

1928 წ. ივნისის 19.
ტფილისი — სასახლე.

88. დ ა დ გ ე ნ ი ლ ე ბ ა ს. კ. ს.

ტრაქტორების რეგისტრაციისა და გასხვისების წესის შესახებ.

საქართველოს სსრ სახალხო კომისართა საბჭო ადგენს:

1. ყოველი ტრაქტორი, ვის განკარგულებაშიაც უნდა იყოს იგი და რა სამუშაოსათვისაც უნდა გამოიყენებოდეს, რეგისტრაციაში უნდა იქნეს გატარებული ქვემოაღნიშნული წესით, ვარდა ისეთი ტრაქტორისა, რომელიც სამხედრო უწყების განკარგულებაშია და ეს უწყება სამხედრო საკიროებისათვის იყენებს.

შენიშვნა. ის ტრაქტორი, რომელიც თუმცა სამხედრო უწყებას ეკუთვნის, ხოლო ამ უწყების მიერ გამოყენებულია სხვადასხვა სასოფლო-სამეურნეო, სატყეო, საგზაო, სატრანსპორტო და სხვა სამუშაოსათვის, აგრეთვე სხვადასხვა მექანიკური დანადგამის ასამონტაჟებლად, რეგისტრაციაში უნდა იქნეს გატარებული საერთო წესით.

2. ტრაქტორების რეგისტრაციის აწარმოებს სამაზრო აღმასრულებელი კომიტეტი სამიწათმოქმედო განყოფილების მეშვეობით და მიწათმოქმედების სახალხო კომისარიატის საერთო ხელმძღვანელობით.

3. ამა დადგენილების გამოქვეყნების შემდეგ სამიწათმოქმედო განყოფილებამ უნდა შეჭკრიფოს ცნობები მაზრაში ქონებული ტრაქტორების პატრონთა შესახებ და აგრეთვე იმის შესახებ, თუ რა ადგილას არის ეს ტრაქტორები.

4. მე-3 მუხლში აღნიშნული ცნობების მიღებისთანავე, სამიწათმოქმედო განყოფილება შეადგენს ტრაქტორების რეგისტრაციის ჩასატარებლად ზედმიწევნითი საკალენდრო გეგმას და, სამაზრო აღმასრულებელი კომიტეტის მიერ ამ გეგმის დამტკიცების შემდეგ, დაუგზავნის, გეგმის მიხედვით, ტრაქტორების პატრონთ უწყებებს, რითაც აცნობებს მათ—რა დღეს უნდა გამოცხადდნენ ტრაქტორების რეგისტრაციაზე.

შენიშვნა. უწყება რეგისტრაციაზე გამოცხადების შესახებ თავის დროზე უნდა იქნეს გაგზავნილი, ყოველ შებთხვევაში არა უგვიანეს 7-დღისა რეგისტრაციამდე, და ჩაბარდეს ადრესატს ხელწერილის ჩამორთმევით და ჩაბარების დროის აღნიშნით.

5. ტრაქტორის პატრონთა რეგისტრაციაზე გამოცხადების საკალენდრო გეგმა, გამოცხადების დროისა და ადგილის აღნიშვნით, უნდა გაეგზავნოს ყველა თემალმასკომს; ეს უკანასკნელი ვალდებულია თვალყური ადევნოს ტრაქტორის პატრონის თავის დროზე გამოცხადებას რეგისტრაციაზე და შეამოწმოს ტრაქტორის პატრონთა მიერ რეგისტრაციის წესის შესრულება (მუხ. 7).

6. ტრაქტორის პატრონს უწყებასთან ერთად უნდა გაეგზავნოს განცხადების ბლანკი მიწათმოქმედების სახალხო კომისარიატში შემუშავებული ფორმით. ეს ბლანკი შევსებულ და ხელმოწერილ უნდა იქნეს ტრაქტორის პატრონის მიერ, ხოლო ამის შემდეგ მას შეამოწმებს მაზრის სატრაქტორო საჭმის ინსტრუქტორი ან უბნის აგრონომი.

7. ტრაქტორის პატრონი მოვალეა უწყებაში ნაჩვენებ დღეს გამოცხადდეს დანიშნულ პუნქტზე. მას თან უნდა ჰქონდეს დოკუმენტი იმის დასამტკიცებლად, რომ ტრაქტორი მას ეკუთვნის, და აგრეთვე შევსებული და შემოწმებული განცხადება რეგისტრაციის შესახებ (მუხ. 6). ამ ცნობების მიხედვით სამიწათმოქმედო განყოფილება სათანადოდ შეაესებს სარეგისტრაციო მოწმობას და შესაფერი ხელმოწერით, განსაკუთრებული ნომრით და ბეჭდის დასმით გადასცემს ტრაქტორის პატრონს და ჩამოართმევს საამისო ხელწერილს.

8. სარეგისტრაციო მოწმობა გაიცემა თვითიუღ ცალკე ტრაქტორზე; ამასთანავე ამ მოწმობას უნდა ჰქონდეს თავისი განსაკუთრებული რიგობრივი ნომერი მაზრისათვის განკუთვნილი ნომრების რიცხვიდან.

შენიშვნა. ტრაქტორების მოწმობებისათვის მთლად საქართველოს სსრ-ში დაწესებულია ერთიანი რიგობრივი ნომერაცია. ამასთანავე მოწმობების ნომრებს ამა თუ იმ ავტონომიურ რესპუბლიკას და ოლქს, აგრეთვე მაზრას, მიაკუთვნებს საქართველოს სსრ მიწათმოქმედების სახალხო კომისარიატი.

9. სამიწათმოქმედო განყოფილების მიერ გაცემული სარეგისტრაციო მოწმობა საკმარისი დოკუმენტია იმის დასამტკიცებლად, რომ ტრაქტორი ამა თუ იმ პირს ეკუთვნის და რომ ამ პირს აქვს ტრაქტორის ექსპლოატაციისა და გასხვისების უფლება.

10. უკეთუ ტრაქტორი სხვა მაზრაში იქნა გადატანილი სამ თვეზე მეტი ვადით, ტრაქტორის პატრონი მოვალეა წარადგინოს ტრაქტორის სარეგისტრაციო მოწმობა იმ ადგილის სამიწათმოქმედო განყოფილებაში აღსანიშნავად, სადა ტრაქტორია.

11. ტრაქტორების ზემოხსენებული რეგისტრაცია დამთავრებულ უნდა იქნეს 1928 წ. აგვისტოს 1-დღე.

12. მაზრაში ტრაქტორების რეგისტრაციის ჩატარებისას ტრაქტორების სათადარიგო ნაწილები და მათთვის საჭირო ნაეთის პროდუქტები გაიყვანა, აგრეთვე ტრაქტორები მიიღება სარემონტო სახელოსნოებში დაზიანებული ნაწილების შესაკეთებლად მხოლოდ ზემოაღნიშნული მოწმობის წარდგენის შემდეგ. ამ მოწმობაზე წაიწერება ტრაქტორისათვის დიდი ან საშუალო რემონტის ვაკეთება, ან მნიშვნელოვანი ნაწილების გამოცვლა.

შენიშვნა. წარწერაში გაკეთებული რემონტის შესახებ ზედმიწევნით უნდა აღინიშნოს სად, როდის და როგორი რემონტია გაკეთებული და რა დაჯდა იგი. ამ ცნობას ხელი უნდა მოაწეროს სახელოსნოს გამგემ ან მისმა თანაშემწემ ან დასატრაქტორო საქმის ინსტრუქტორმა.

13. უკეთუ მოწმობა დაიკარგა, ტრაქტორის პატრონი მოვალეა ეს დაუკარგებლივ წერილობით იმ სამიწათმოქმედო განყოფილებას აცნობოს, რომელმაც ტრაქტორი რეგისტრაციაში გაატარა, და შეიტანოს სამაზრო აღმასრულებელი კომიტეტის სალაროში ორი (2) მანეთი დაკარგვის შესახებ პუბლიკაციის ხარჯისა და დუბლიკატის გაგზავნით გამოწვეული საფოსტო სარჯების დასაფარავად.

14. სამიწათმოქმედო განყოფილება, თანახმად ტრაქტორის პატრონის წერილობითი განცხადების მოწმობის დაკარგვის შესახებ და განყოფილების საქმეებში ქონებული მასალების მიხედვით ცნობების შემოწმების შემდეგ, მოახდენს ადგილობრივ ოფიციალურ ბეჭედივით ორგანოში პუბლიკაციას მოწმობის დაკარგვის შესახებ და განცხადების შემომტანს მისცემს წერილობით ცნობას, რომ ტრაქტორი მას ეკუთვნის.

15. ეს ცნობა გამოდგება ტრაქტორის ექსპლოატაციის უფლების დამამტკიცებელ საბუთად, ხოლო ვადით არა უმეტეს ორი თვისა, რის შემდეგ, ამ ცნობას ნაცვლად, სამიწათმოქმედო განყოფილებამ უნდა მისცეს ტრაქტორის პატრონს მოწმობის დუბლიკატი.

შენიშვნა. უკეთუ სამიწათმოქმედო განყოფილებაში დუბლიკატი არ აღმოჩნდა, ცნობაზე უნდა აღინიშნოს, რომ ვადა გადადებულია.

16. უკეთუ ტრაქტორის პატრონ-მომხმარებელს სურს თავისი ტრაქტორის გაყიდვა, იგი მოვალეა საამისო განცხადება შეიტანოს იმ სამიწათმოქმედო განყოფილებაში, რომელმაც ტრაქტორი რეგისტრაციაში გაატარა. განცხადებას

უნდა დაერთოს: ა) ტრაქტორის გაყიდვის ხელშეკრულება (მყიდველის ვინაობა და გაყიდვის პირობები ზედმიწევნით უნდა აღინიშნოს) და ბ) ტრაქტორის მყიდველის განცხადება, რაც სათანადოდ უნდა იქნეს შეესებული და შემოწმებული ზემოხსენებული ფორმის (მუხ. 6) მიხედვით.

შენიშვნა. უკეთუ ტრაქტორის პატრონს, რომელმაც მოწმობა დაკარგა, ხელთ აქვს მხოლოდ მე-14 და მე-15 მუხლებში აღნიშნული ცნობა, მისი ტრაქტორის განსხვავება, ნამდვილი მოწმობისა ან დუბლიკატის მიღებამდე, არ შეიძლება.

17. უკეთუ ტრაქტორის ყიდულობს კერძო პირი (ფიზიკური ან იურიდიული), სამოწამოქმედო განყოფილებას უფლება აქვს ერთი თვის განმავლობაში დღიდან ზემოხსენებული დოკუმენტების მიღებისა (მუხ. 16), ან განაცხადოს თავისი სურვილი, რომ ტრაქტორს იგი ყიდულობს, ან წარადგინოს შესამე პირის—ამა დადგენილების მე-19 მუხლში აღნიშნული ორგანიზაციის—თანხმობა გასაყიდი ტრაქტორის შეძენაზე.

18. უკეთუ სამიწათმოქმედო განყოფილება არ მოისურვებს ტრაქტორის შეძენას, ან არ წარადგენს შესამე პირის თანხმობას ტრაქტორის ყიდვაზე, განყოფილებამ, ერთი თვის ვადის გასვლის შემდეგ დღიდან ხელშეკრულების წარდგენისა, უნდა რეგისტრაციაში გაატაროს ეს ხელშეკრულება და სათანადო ცნობები ჩასწეროს ტრაქტორის მოწმობაში, რომელიც გადაეცემა ტრაქტორის ახალ პატრონს.

19. უკეთუ ტრაქტორის მყიდველი სახელმწიფო საწარმო ან დაწესებულებაა, ან და კოოპერატიული ორგანიზაცია, კერძოდ სასოფლო-სამეურნეო კოლექტივი (კომუნა, სას. სამეურნ. არტელი, ან მიწის საერთო დაშვზეყებული ამხანაგობა, სამანქანო, სამელიორაციო ან სხვა ამხანაგობა), სამიწათმოქმედო განყოფილებას უფლება არა აქვს უარი სთქვას ტრაქტორის გასხვისების ხელშეკრულების რეგისტრაციაზე; ამასთანავე ეს რეგისტრაცია ჩატარებულ უნდა იქნეს 7 დღის განმავლობაში ამა დადგენილებაში აღნიშნული წესით.

20. უკეთუ ტრაქტორის გამყიდველი და მყიდველი ვერ შეთანხმდნენ მანქანის ფასზე, ამ ფასს და აგრეთვე ანგარიშგასწორების პირობებს განსაზღვრავს ადგილობრივი სატრაქტორო კომისია ტრაქტორებზე არსებული ფასის მიხედვით; ამასთანავე მხედველობაში უნდა იქნეს მიღებული მყიდველთან მანქანის მიტანის ხარჯი და ფასის ნაწილ-ნაწილ გადახდისათვის დაწესებული სარგებელი, აგრეთვე ისიც, თუ რამდენადაა გაცვეთილი მანქანა, რა სათანადო რეპარაციები აქვს მას, რა ინსტრუმენტი და სხვა.

შენიშვნა. ხელმოწერად გასაყიდი ტრაქტორის ფასი არავითარ შემთხვევაში არ უნდა აღემატებოდეს მიწოდებული ორგანიზაციების საწყობებიდან გასაცემი ტრაქტორისათვის დაწესებულ ფასს.

21. მუშაობისათვის გამოუსადეგარი ტრაქტორი რეგისტრაციაში გატარებულ იქნება ამა დადგენილებით გათვალისწინებული საერთო წესისამებრ. ამასთანავე სამიწათმოქმედო განყოფილებამ უნდა აწარმოოს სრულიად უფარგის ტრაქტორების აღნუსხეაც.

22. მუშაობისათვის გამოუსადეგარი ტრაქტორების გასხვისება სწარმოებს ამა დადგენილების 16, 17, 18, 19, 20, 23 და 24 მუხლებში აღნიშნული წესით.

23. უკეთეს მოვალის ტრაქტორზე მიქცეულ იქნა ვალის გადახდევინება, გამამხდევინებელი ორგანო მოვალეა სამისო შეტყობინება ვაგზავნოს ადგილობრივ სამიწათმოქმედო განყოფილებაში, რომელსაც ასეთ შემთხვევაში უფლება აქვს ერთი თვის განმავლობაში შეიძინოს ტრაქტორი ან წარადგინოს მესამე პირის—ამა დადგენილების მე-19 მუხლში აღნიშნული ორგანიზაციის—თანხმობა მის შეძენაზე.

შენიშვნა. ტრაქტორის გასხვისება ამ შემთხვევაში მოხდება ამ დადგენილების მე-20 მუხლის წესით განსაზღვრულ ფასად.

24. გამამხდევინებელ ორგანოს შეუძლიან დანიშნოს საჯარო ვაჭრობა ტრაქტორის გასაყიდად და ვაყიდოს კიდევაც მხოლოდ იმ შემთხვევაში, უკეთეს სამიწათმოქმედო განყოფილება უარს განაცხადებს ამ ტრაქტორის შეძენაზე, ან ვერ წარადგენს მესამე პირის—ორგანიზაციის—თანხმობას მის შეძენაზე.

25. ტრაქტორის პატრონის მიერ ამა დადგენილების დარღვევისათვის სამაზრო აღმასრულებელ კომიტეტს შეუძლიან, სამიწათმოქმედო განყოფილების წარდგენით, გადუწყვიტოს დამნაშავეს ადმინისტრაციული წესით ჯარიმა ორმოცდა ათ მანეთამდე ან სოციალური დაცვის ღონისძიება—ძულებითი მუშაობა ორ კვირამდე.

26. დაევალოს აფხაზეთის სსრ-ისა და აჭარისტანის ავტონომიური სსრ-ის სახალხო კომისართა საბჭოებს და აგრეთვე სამხრეთ-ოსეთის ცენტრალურ აღმასრულებელ კომიტეტს გამოსცენ ანალოგიური დადგენილებანი.

საქართველოს სსრ სახალხო კომისართა საბჭოს

თავმჯდომარე **ლ. ქართველიშვილი.**

საქართველოს სსრ სახალხო კომისართა საბჭოს

საქმეთა მმართველის მოადგილე **ს. სტეფანოვი.**

1928 წ. ივნისის 19.
ტფილისი-სასახლე.

